



Diahuebs  
24 di April 2008  
www.awemainta.com  
Margrietstraat #3, Oranjestad, Aruba  
Tel: 583-1400  
Fax: 583-1444  
Email: noticia@awemainta.com  
Prijs: Afl. 1,50

## 35 Aña di Asociacion di Secretaria Arubano

**AWE**  
**Mainta**  
e corant di Toko

# Conocido ex-futbolista di Dakota, Zanam Rensrum a fayece



**AYERA** merdia, algo prome cu 12 or a keda registra un accidente riba e caminda grandi di Oranjestad pa San Nicolas, na altura di e salida banda di Price Mart. Aki un Jeep Cherokee a sali pa coy direccion pa San Nicolas, sin nota cu na mesun momento cu un auto di famia tabata bay direccion Oranjestad. E impacto tabata fuerte, lagando algun persona herida. E ocupante, Edgar

Lodewijk Rensrum, naci na Aruba dia 22 di november 1929 (78 aña) tabata sinta patras den e Jeep Cherokee, kende practicamente a fayece n'e sitio, pero asina mes a ser hiba cu ambulance pa Hospital, unda a keda constata cu el a fayece.

Tin indicacion cu e no a fayece a consecuencia di heridanan recibi, pero mas bien el a sufri momento

di e accidente ey, un paro cardiaco.

E ta mihor conoci pa su amigonan di Dakota como Zanam, kende ta biba practicamente ultimo añanan na Hulanda, unda e lo mester a bolbe diadomingo awor, despues di 9 luna di estadia na Aruba pa por bishita su famia y amigonan di Dakota en particular. Su adres temporal na Aruba tabata Calabasstraat

2, Dakota. Momento di e accidente Zanam tabata den compania di su ruman homber y un ruman muher den e auto.

Na su famia, ta bai nos mas sincero condolencia, cu Zanam sosega na paz. Loke ta hala nos atencion cu riba e pida caminda aki, di Oranjestad pa San Nicolas, sigur entre Club Caribe te cu Aeropuerto, a existi varios morto e siman aki caba.



# Detencion ta sigui cai den caso di desfalco miyonario na laboratorio



**AYERA** diaranzon for di den oranan di madrugada oficialnan di Landsrecherche, RST acompaña pa Fiscal y Huez Comisario a haci nan preparativonan pa bay busca un otro sospechoso.

Nan a presenta na un cas na Sabana Liber y a primi bel y e sospechoso mes a habri porta y

eynan el a ser poni na altura di su detencion como sospechoso den e caso di Laboratorio. Ademá a mustre un orden pa listra den full e cas y tambe confisca su auto.

Un rato despues autoridad di ley a sali cune pa Warda di Polis unda ey a sigui e procedimiento di interrogacion. E sospechoso

t'e dama Jacky G. di 46 aña, kende ta un empleada di Landslaboratorium. Polis tambe a detene su yiu muher J. Tromp. Te awe, tin 3 persona deteni, y no ta exclui cu mas detencion lo cai. E team di investigacion ta sigui bay cu tur documento necesario y asina a bishita ayera tambe laboratorio na hospital, unda e.o. Jacky G. ta traha.

## SDA y gobierno ta mesun leu for di otro

"No kere Nel" e ta declara un cos na radio y ta bisa otro na mesa

**AYERA** mainta for di 11:30 SDA a drenta reunion cu gobierno pa trata un biaha mas e asunto di indexering, un lucha cu ya caba pa casi 7 siman ta wordo hiba.

Promer Minister den fin di siman a bisa na radio cu lo kita e condicionnan y hasta por ta cla pa sinta na mesa y finalmente ayera diaranson esaki a tuma lugar, pero un biaha mas e tabata en vano. Mirando e wegá di palabra di Promer Minister, cu na radio ta bisa un cos y despues na mesa ta bisa algo completamente diferente, por conclui cu "No kere Nel".

Despues di varios ora di reunion, Magaly Brito, vocero di SDA a conta con a bai cu esaki. El a bisa cu lamentablemente no a yega na ningun acuerdo cu gobierno, cu despues di oranan largo di discusion,

tratando di kita tur condicion for di mesa, ultimo a keda e parti di franchise. Segun Brito, e condicion aki ta pisa grandemente riba tur trahador di gobierno. SDA a mustre gobierno cu e discusion aki ta andando for di 2003 y ta straña e sindicatonan dicon awor cu ta den lucha pa indexering ta bin cune.

Segun Magaly Brito despues di e reunion aki, e partidonan ta para na e mesun caminda cu nan tabata siman pasa, es decir, no tin ningun cambio den e situacion. E ta agrega cu durante henter fin di siman por a tende tur e gritamentonan bashi via radio caminda e ta papia cu lo kita e condicionnan y cu lo ta dispuesto pa yega na mesa y logra solucionnan, awe por wak cu e partidonan ta mes leu for di otro.

En berdad e unico condicion

cu gobierno ta keda para riba ta esun di franchise, pero pa e parti di indexering a keda mes leu, gobierno no kier hala for di e posicion cu e tin y SDA tampoco ta hala for di nan posicion. Di otro banda gobierno ta bisa cu e parti di 2% den 3 aña, esta un total di 6% ta lo unico cu e por ofrece den e perdida di poder di compra di 22% y ainda e kier mara esaki na un franchise. Mas ainda gobierno ta papia cu lo kier un comision pa dentro di 3 luna atende e asunto di pensioenregeling.

Magaly Brito ta expresa den number di SDA cu nan no por acepta cu despues cu nan a bin ta hibando un lucha di casi 7 siman largo, awor gobierno ta bin cu proposicionnan na mesa cu for di cuminsamento nan sa cu ta inaceptabel pa sindicatonan. Esaki pa Brito

ta demostra e mala fe cu gobierno tin cu nan propio empleadonan. "Nos tin interes pa yega na un acuerdo na number di tur trahadornan y nos ta spera e mesun interes di nan banda na number di nan propio empleadonan".

Gobierno a pidi sindicatonan pa aserca e trahadornan pa wak si por convencenan pa acepta proposicion di gobierno, esaki despues cu a duna un presentacion di e situacion financiero di gobierno. Riba esaki Magaly Brito a duna di conoce cu situacion di gobierno ta conoci, tur hende sa kico a bin ta sosodiendo den 7 aña. Pa SDA e caso ta cu pa 7 aña no a tene cuenta cu trahadornan, cu mester paganan y cu mester inverti den nan.

SDA a bisa gobierno cu nan sa e mandato di trahadornan, cu nan sa e posicionnan, cu

despues di 7 aña e ta mas cu conoci y ta sigur cu pueblo di Aruba tin comprension pa e lucha cu nan ta hibando. Tambe cu e trahadornan tin tur interes pa reanuda trabou tanten cu ta reconoce nan derechonan y dunanan un ahustacion husto.

SDA a keda insisti pa keda sinta na mesa y yega na acuerdi awe mes pa evita escalacion di accionnan, pero di parti di gobierno a mostra cu na e momentonan aki nan tin problemanan serio cu AZV y cu mester atende esaki. Pesey gobierno a propone pa sinta bek na mesa awe merdia 1'or. Respuesta na gobierno ta cu SDA ta keda den accion y por spera intesificacion di su accionnan, pasobra no por ta asina cu ta keda rek e asunto aki cu tambe ta di importancia.




# Gobierno di Aruba ta birando cada bes mas represivo

Lo usa polis pa saca parlamentarionan for di sala di Parlamento

het (Staten)gebouw te verlaten, deze laatste de hulp van het Korps Politie inroept en deze hulp ook daadwerkelijk ontvangt. In casu kan zondermeer gesteld worden dat het gewoonterecht is dat de Voorzitter der Staten -indien nodig- de sterke arm inroept bij de toepassing van artikel 38 derde lid RvO. Tegen een eventuele vastlegging van bedoelde gewoonterecht bestaat uiteraard geen bezwaar, reden waarom bij deze gelijk u in de laatste alinea van uw brief adviseerde dringend aan u verzocht wordt het met de meeste spoed daar naar toe te willen leiden dat wettelijk geregeld wordt dat het Korps Politie belast is met de handhaving zoals bedoeld in artikel 38 derde lid van het RvO.

Tot slot verzoek ik u om indien dit nodig mocht blijken vooruitlopend op bedoelde formalisering het Korps Politie Aruba, zoals gebruikelijk, de nodige assistentie te laten verlenen bij toepassing van artikel 38 derde lid van het RvO.



**LIDER** di partido RED, Rudy Lampe durante conferencia di prensa a parti algun documento cu ta expresa nan preocupacion pa e rumbo cu e partido gobernante kier hiba nos isla. Riba un di nan por mira e firma di Minister di Husticia cu ta pone urgente, aprobacion inmediatamente. Pa duna un explicacion di kico e minister aki ta aproba, Lampe a conta cu algun luna pasa e mesun minister a skirbi Parlamento cu Presidente di Parlamento no tin autoridad pa usa polis pa saca un parlamentario for di sala di Parlamento y awor aki Presidente di Parlamento a pidi Minister di Husticia pa acelera cambio di ley cu ta haci posibel pa polis por wordo emplea door di Presidente di Parlamento pa saca un parlamentario for di sala di Parlamento. Presidente di Parlamento ta skirbi cu si una bes Minister

Rudy Croes aproba e cambionan aki, e ora ey el lo aplica, mientras ta warda e cambio formal di ley, e medida pa usa polis pa eventualmente saca un parlamentario for di sala di Parlamento.

RED ta sumamente preocupa cu e rumbo cu e partido gobernante ta hibando Aruba, pasobra esaki ta expresion di un gobierno represivo. Segun Lampe, mayoria di pais rond mundo ta hasta prohibi pa cuerpo uniforma drenta sala di Parlamento unda representantenan di pueblo ta, pasobra ta un principio sagrado cu un parlamentario ta haya autoridad di pueblo, e ta un representante di pueblo y por lo tanto e mester tin e pleno libertad di expresion pa ta e voz di pueblo den sala di Parlamento. Bao di ningun circunstancia por emplea forza bruto pa silencia un represen-

tante di pueblo.

Pero na Aruba, pa reforza un gobierno represivo, Minister

di Husticia ta pone 'urgente, aprobacion inmediato' pa emplea polis pa saca parlamentari-

onan for di sala di Parlamento. Fraccion di RED ta desapropa y denuncia e acto aki.

**URGENTE !!!**

**STATEN VAN ARUBA**

Ingek. 25 APR. 2007

Volgnr. [Handwritten]

Par. [Handwritten]

**VOORZITTER DER STATEN VAN ARUBA**

*Aproba accion inmediatamente*

*22/04/07*

Aan de Minister van Justitie  
De heer H.R. Croes  
Centro di Husticia  
Macuarima - Santa Cruz

*cc Pres. Parlamento*

Uw kenmerk: [Blank]  
Onderwerp: Landsbesluit ambts- en geweldsinstructie en ordehandhaving in Statenzaal  
Bijl.: [Blank]

Uw brief: [Blank]  
Ons kenmerk: V/118/06-07 Oranjestad, 15 APR. 2007

**Geachte Minister,**

In januari jongstleden heeft Statenlid mw. mr. ing. Z.C. van Poppel-Marquez enkele vragen ter beantwoording aan u voorgelegd. Recentelijk is hierop uw antwoordbrief met kenmerk MJS245/07 ontvangen.

Op de eerste pagina van uw brief schrijft u terecht dat het Reglement van Orde voor de Staten van Aruba (RvO) (AB 1998 no. 19 maart 1998) niet een algemeen verbindend voorschrift is. In dit verband is het goed erop te wijzen dat de Staten het huidige RvO bij beschikking van 2 februari 1998 integraal heeft goedgekeurd.

Artikel 38 derde lid van de Staten van Aruba (AB 1998 no. 19 maart 1998) luidt als volgt (vide ook ingesloten bijlage):

*"de voorzitter zorgt, dat het uitgesloten lid zo nodig tot het verlaten van het gebouw gedwongen wordt en dat hij indien hij het gebouw gedurende de uitsluiting weer betreedt, daaruit verwijderd wordt."*

Uit uw antwoord begrijp ik dat u artikel 38 derde lid van het RvO in dier voege interpreteert dat een Statenlid in principe niet door de politie doch door personeel van de Staten eventueel gedwongen dient te worden het (Staten)gebouw te verlaten.

De ervaring c.q. praktijk voor wat betreft het onderhavig artikel leert echter consequent anders; al sedert de eilandraadvergaderingen, dus reeds tientallen jaren is het namelijk vast gebruik dat in geval een Statenlid blijft weigeren om op verzoek van de Voorzitter van de Staten

Bij beantwoording datum en nummer vermelden en in elke brief slechts één onderwerp behandelen.

**EAT LIKE A MAN!**

**TEXAS**

**DOUBLE WHOPPER**

**Whopper, Bacon, Jalapeño, GOOD THING!**

Also available as Single and Triple Whopper and as Whopper jr.



**HAVE IT YOUR WAY!**





## Chofer a blind, perde control bai dal den un pal'i luz



**AYERA** tardi, tabatin un accidente basta pisa na Hooiberg, ora cu un chofer a baha caminda y a bai dal den un pal'i luz. Según su declaracion, solo a blind su bista, y a perde control y asina a bai pega den e pal'i luz.

## Hopi cos a bai robez den salario di diferente ambtenaar

A kita pago pa dianan cu nan a traha of tabata AO

**VOCERO** di SDA, Magaly Brito comentando riba e parti di 'no work no pay' a bisa cu na ningun momento tabata intencion di esnan den welga pa kibra e principio aki ora a entama e caso. Loke a sosode ta cu diferente di e trahadornan aki tin acurdonan cu nan hefenan of directornan di departamento pa loke ta trata dianan di vacacion. Tambe gobierno debe un cantidad di overtime y timeback y e no kier haci e verrekening cu e trahadornan aki.

Segun Brito gobierno simplemente kier ta un dunador di trabou represivo na unda solamente kier tuma medida riba e trahadornan, caminda ta purba pa kibra e accionnan.

Durante cu empleadonan publico ta den accion, gobierno

ta kondig aan cu ta bai tuma medidanan mediante inhoudingen y SDA ta kere cu esakinan ta contra e Europeese Sociaal Handvest y ta un forma 'on-rechtmatig' pa kibra accionnan di trahador. Banda di esaki Magaly Brito ta indica cu ayera cu e payslipnan a sali, por a ripara cu tin hopi cos cu a bai robez den salario di diferente trahadornan. "Corte lo por ta sigur cu e lo haya mas cu mil caso individual di trahadornan cu lo bai entama contra duandor di trabou pa e forma cu e la atende e asunto di inhouden di salario di trahadornan".

SDA ta kere cu ta momento cu gobierno como dunador di trabou compronde cu ta e mes a obliga e trahadornan aki pa subi caya pa busca nan derecho.

Por a compronde cu varios trahador ora a wak nan payslip a ripara cu a kita pago pa dianan cu nan a traha. P.e. un polis cu a traha warda di anochi y a uni na e welga parti mainta a wordo considera como cu e no a traha, posiblemente pasobra el a wordo mira na e manifestacion. Mescos personanan cu AO tambe a kita placa for di nan salario como si fuera cu nan lo tabata welgando, y asina tin varios otro caso y sigur lo por mira esakinan den corte.

Gobierno seguramente no lo tin problema pa laga e casonan aki yega corte, pasobra di tur manera ta via abogado di famia e ta bai y entre mas caso atende, ta mas placa di pueblo ta bai den saco e abogado famia en cuestion.

## Promer Minister ta papia mitad berdad

Relaciona cu denuncia haci door di RED den caso di waf



**DURANTE** conferencia di prensa di partido RED, Armand Hessels miembro di e partido a comenta riba e reaccion di Promer Minister riba lo cual RED a entrega dialuna ultimo na Procurador General.

El a bisa cu RED ta contento cu su reaccion caminda cu e ta pidi PG pa bin cu un investigacion pronto pa muestra kico ta e

berdad den henter e asunto aki. Pa RED esaki ta hopi importante pasobra mientras cu no tin un bista riba esaki, e credibilidad di gobierno ta den duda.

Premier Oduber lo a declara tambe cu lo cual RED a entrega no tin base, pasobra ley di comptabilidad no ta conta pa APA y segun Hessels esaki den cierto sentido por ta berdad, pero aki e ta duna solamente mitad berdad. E ta bisa esaki pasobra solamente director di APA por firma un contrato asina y ningun minister por compromete APA pa tipo di compromisonan aki. Segun miembro di RED e cuestion ta cu kier pone presion riba director pa e firma e contrato aki pasobra nan sa cu sin su firma e contrato no tin ningun balor.

Mas aleu e ta bisa cu e contrato aki tambe ta viola e reglanan di 'World Trade Organization'

na unda ta bisa claramente cu ora ta trata di asina hopi placa pa un contrato di consultant of inversion den waf, mester bin un destaho publico internacional habri pa tur compania rond mundo. Partido RED lo kier haya sa kico posicion di Promer Minister ta riba e punto aki, cu no a wordo toca door di Sr. Oduber.

Segun Armand Hessels, cu e denuncia aki a bari for di mesa e comentarionan cu partido RED ta bai tras di un partido politico of politiconan especificamente, sino tras di violacion di ley.

RED ta di opinion cu e motibo cu na e momento aki no tin placa pa indexering, pa drecha scol, pa combati criminalidad drechi y varios otro cos manera e situacion social di hopi hende, ta pa motibo cu no tin bon gobernacion y tin posibilidad di corrupcion.



Como parti di nan accion

## Docentenan di Colegio Arubano a tene walk-out di un ora



**AYERA** mainta, docentenan di Colegio Arubano, a dicidi di organisa un walk-out di un ora como parti di nan accion pa cu indexering. E studiantenan di nan banda tambe a sostene nan docentenan y a para pafo hunto cu nan. Rector Kolfin tambe a acudi pa mira e accion, pero mucho e no por haci y djis mira kico ta pasando. E accion aki di e docentenan di Colegio Arubano ta, pa demostra Gobierno cu nan ta serio den nan accionnan, maske cu hopi di nan a bolbe pa duna les pa no perhudica e studiantenan. Trafico tambe a stagna completamente durante e accion aki na altura di Colegio Arubano.

## Atracadornan a tende castigo pisa for di Huez

**AYERA** Huez a dicta sentencia den e caso di atraco contra 8 atracador, kendenan a comete atraco riba personanan Chines, tanto den nan cas y restaurant y supermercado. Esnan cu a tende nan sentencia ayera ta Ulginio (Gino) R. Gonzalez, Gregory A.M Paesch (Menchi), Izmar E. Daal, Michael R. Wilson, Sergio R. Wilson, George R. Richardson, Alvin A. Boekhoudt, Jermain Y R. Williams. E atraconan cu a tuma lugar ta riba Manyu Supermarket, unda nan a pone pistol na cabes di e

Chines, tambe a apunta cu arma di candela y a bai cu nan BMW, despues cu a mara nan. Tambe nan a tira atraco na Yang Supermarket, unda nan a dren-ta den e cas ora cu e Chinesnan tabata comiendo y hasta a bisa nan pa entrega placa sino nan ta mata e mucha. Mester bisa cu casi tur e atraconan a wordo planea p'e sospechoso Gonzalez. Di tres atraco a tuma lugar na Famia Supermarket, unda nan a bringa cu e hendenan den e cas y hasta a tira dos Chines na nan pia. Otro atraco cu nan a tira tabata

riba Win Wah Supermarket. Mayoria di e lugarnan, e atracadornan a bai cu carchi di telefon, joyas y placa. Gonzalez tambe a wordo acusa di a menasa cu arma di candela. Huez a bai di acuerdo cu demanda di Fiscal y a condena Gino Gonzalez na un castigo di 10 aña. Boekhoudt a haya 7 aña, Williams a keda condena na 4 aña, Daal a keda condena na 30 luna, S. Wilson tambe a haya 30 luna, M. Wilson, a haya 3 aña y 6 luna, Paesch a haya 2 aña, y George Richardson, Huez a sentencia na un aña.

## Accidente dilanti di Academia di Polis Watty Vos



**AYERA** diarazon merdia a tuma lugar un accidente dilanti di Academia di Polis Watty Vos den Fortheuvelstraat caminda un autovan lo a dal semi frontal den un auto di famia. Den e accidente aki tabatin dos herido cu a wordo transporta pa poli cu ambulance. Tabata un docente di Academia Policial Watty Vos, kende a duna prome auxilio mientras cu tabata spera yegada di ambulance n'e sitio.



## Apesar cu partidonan a bai mesa Accion ta sigui y ayera merdia bomberonan a bandona pia di trabou



**AYERA** merdia, 12 or, tur bombero na Kazerne Oscar, cu ta keda na Aeropuerto a bandona pia di trabao, manera Huez a permiti nan haci. Esaki ta parti di e accion, te ora cu tin un solucion den e conflicto di pago di indexering. Ayera pa 11.30 Sindicatonan den Accion a bai mesa atrobe cu Gobierno, pero den oranan di atardi, e partidonan a bandona mesa di negociacion, sin ningun clase di adelanto. Awe merdia, nan lo bolbe mesa, pa wak con ta bai na kibra e ijs aki. Pero mientrastanto e empleadonan publico ta sigui cu nan accion. Riba e fotonan aki ta haya un bista di ayera merdia, ora cu un grupo di bombero a bandona Kazerne Oscar.

## Documento confisca na HOH



**DESPUES** di detencion di un otro funcionario di Landslaboratorium, investigacion a bolbe hiba e investigadornan di Landrecherche reforsa cu algun integrante di R.S.T. pa laboratorio na Dr. Horacio E. Oduber Hospital unda nan a confisca varios documento cu ta musta di ta evidencia p'e caso unda alrededor di 10 milyon florin a somenta.

Riba e fotonan por mira momento cu e investigadornan a sali cu e documentonan confisca na Hospital.

## Gobierno mester cuminsa atende su problemanan

Y stop di tira responsabilidad riba lomba di comunidad

**SERGE** Mansur, miembro di partido Democracia Real comentando riba e situacion financiero di gobierno, a duna di conoce cu tur hende sa cu den ultimo 7 añanan a introduci un serie di medidanan door di gobierno. E promer nan a wordo introduci ora gobierno a caba di sinta, y esakinan a wordo introduci den consulta cu gremionan comercial y sindical.

Mansur ta bisa cu tur hende a compronde cu gobierno a hereda un situacion dificil y tabata dispuesto pa traha cu gobierno pa drecha e situacion. Loke a sosode e siguiente añanan ta cu gobierno a nombra miles di hende na trabou, a tuma un cantidad di medida

manera e.o invoerrechten, cambio di sistema fiscal, BBO, etc. E medidanan aki a haci nivel di bida na Aruba hopi dificil.

Awor cu AZV tin problema atrobe, Serge Mansur ta duna di conoce cu gobierno ta considerando pa introduci mas medida. Tambe por a tende cu ta bai cambia ley di casino, lo aumenta belasting riba casino grandemente. Igualmente por a tende ministernan papia di belastingnan nobo riba diferente producto manera e.o sigaria, alcohol y sucu.

“Aunke nos ta reconoce cu gobierno a cuminsa empaketa nan medidanan un tiki mihor y cuminsa ponenan riba productonan cu por ta nan ta

sinti cu nan por bende mihor; hecho ta cu medida ta keda medida”, miembro di PDR a duna di conoce.

Mansur a agrega cu su partido ta di opinion cu ta basta medida caba contra pueblo y gobierno mester cuminsa wak su gastonan manera nan a wordo avisa for di 7 aña pasa caba. Pero contrario na esaki, gastonan di gobierno a keda subi tur aña y esaki a pesar cu partido MEP tempo cu e tabata den oposicion tabata bisa cu tin gasto di mas.

Finalizando Serge Masur ta expresa cu gobierno mester cuminsa atende cu su problemanan y stop di tira responsabilidad di tur su erornan riba lomba di comunidad cu tin cu paga pa nan mal maneho.

## Sindicatonan den Accion ta rechaza condicion cu ta mara na indexering, e.o. e notorio francise

**DIAMARS** ultimo, e dia di accion a wordo combina cu informacion. E grupo grandi di mainta a haya splicacion di franchise for di un miembro di OPPA, cu tabata empleado na APFA na momento cu a cuminsa e discusionan tocante e cambionan, cu mester a wordo introduci den APFA.

E palabra franchise por sona interesante, pero su contenido tin consecucionan remarcabel- desastroso p'esnan cu ta den e areglo bieu. Nos lo splica franchise por medio di e siguiente ehempel:

Maestro X a baha cu pensioen per 31 juli 2007 y e tin 60 aña y el a paga prima 30 aña largo. Kico e ta cobra na pensioen uitkering? Su pensioen di trabao cu APFA (un promedio di 70% di su 2 ultimo añanan) plus su pensioen di biehes (AOV).

Maestro Y. cu tin 52 aña di edad lo baha cu pensioen ora



e yega su 60 aña. Kico e lo bai cobra si acepta e sistema di franchise entrante 1 di januari 2009? E lo cobra 70% di su salario, pero esaki lo inclui e pensioen di biehes (AOV). Nada ta apart.

Ta cuanto di nos maestro y trahadornan den sector publico lo por acepta esaki. Esaki ta torno sin mas na derechonan adkeri. Esaki ta cambia expectativa cu ya esnan cu ta den e areglo bieu tin. Peor cu esaki ta sin ningun forma di participacion y negociacion.

Esaki maestro y empleado publico na welga a rechasa categoricamente.

Un otro victoria pa trahador! Diamars e veredicto den e caso den apelacion, 3 Huez, a dicta sentencia na favor di e sindicatonan. Pues nan lucha ta keto bai ta hustifica y e lucha ta sigui. Sindicatonan ta en espera di un invitacion di Gobierno pa sinta na mesa y negocia un proposicion husto y rasonabel.

Mientrastanto e accionnan ta sigui!



# Di acuerdo cu resumen di IASA pa luna di februari 43 Persona a keda pa deporta, mayoria masculino

**INSTITUTO** Alarma y Seguridad Aruba (IASA) departamento cu ta resorta bao di Ministerio di Husticia ta anuncia e resumen di februari 2008 pa seccion di Guarda nos Costa (GNC), Imigracion na aeropuerto y nos hafnan. **GUARDA NOS COSTA**

Pa luna di februari, personal di GNC a logra trece aden un total di 79 persona pa control administrativo, pasobra cu na momento di control rutinario nan no por a presenta documentonan valido pa traha legal aki na Aruba.

Di e cantidad aki a resulta cu 33 a wordo laga den libertad dor cu despues di trabaonan administrativo a resulta of nan por a prueba cu nan tabatin un permiso di estadia legal pa permanece na Aruba.

Un total di 46 persona a wordo traslada pa CDI wardando pa nan deportacion. Despues di investigacionan a resulta cu di 6 di nan a drenta clandestino (cu boto) y 73 a drenta cu avion y a dicidi di keda atras ilegal y intencionalmente.

E resumen di deportadonan p'e luna di februari 2008 ta cu 43 stranhero a wordo pasa over na Imigracion pa ehecucion di e orden di deportacion y 3 persona gara den luna di februari a wordo deporta na maart. E top 5 naciona-

lidadnan di e personanan cu a drenta of a keda ilegal ta; 18 Colombiano, 4 Chines, 4 Venezolano, 2 Ecuatoriano, 2 Filipino. E sexonan di e ilegalnan deportá ta 36 masculino y 7 femenino.

**IMIGRACION NA AEROPUERTO**

Pa loke ta trata luna di februari 2008 e cifranan ta manera ta sigi. E total di 85.859 pasahero a wordo procesa na entrada dor di personal di Imigracion. E cantidad di stranhero cu a drenta cu avion a suma 79.330. Y pa loke ta trata personanan stranhero cu a bandona nos isla den e luna ey ta 75.557.

Personal di Imigracion tambe a nenga entrada na Aruba di un total di 44 stranhero, di cual 15 ta di nacionalidad Venezolano, 4 Ecuatoriano y 25 di otro pais.

E razonan cu no a permiti e entrada di e 44 stranheronan menciona ta manera ta sigi; 14 no tabatin un permiso di estadia valido, 6 no tabatin un documento di biahe valido, 11 no por a demostra cu nan tin suficiente medionan financiero pa cubri nan estadia, 4 a duna informacion falso, 3 no tabatin visa pa drenta Aruba, y 6 no a wordo permiti entrada pa un of otro motibo.

Tambe IASA ta publica cu un total 43 persona a wordo tuma

over di GNC den februari pa wordo deporta for di Aruba pa motibo di a pertenece ilegal riba nos isla.

**IMIGRACION NA NOS HAFNAN**

E seccion di Imigracion na nos hafnan ta publica e cifranan pa luna di februari 2008. Pa loke ta trata e cifranan di e total di embarcacion cu a wordo procesa tanto na entrada como na salida e personal di Imigracion di hafnan a procesa 476 diferente tipo di boto.

N'e haf di Barcadera a procesa un total di 94 boto, na Oranjestad 120, y n'e haf di Valero 24.

Siguientemente, ta especifica

e cantidad y tipo di boto cu a drenta nos hafnan. Ta trata di 52 barco crucero, 22 barco di carga, 65 boto di motor chiquito, 48 yate (boto di placer), 24 barco di container, 24 tanker, 3 barco cu cargamento di auto.

E cantidad di personanan cu no a wordo permiti entrada pa medio di nos puertonan a suma un total di 61 (landingsverbod), di cual 58 tabata di nacionalidad Colombiano y 2 Venezolano. E razon cu e 59 hombernan y e 2 muhernan aki no a wordo permiti entrada ta cu 59 no tabatin visa y 2 no tabatin documento valido

pa biaha.

Adicionalmente, tabatin 5 caso di origen particular, di cual ta involvi 2 caso cu asistencia di Kustwacht a wordo pidi pa trece aden 2 yate di placer dor cu nan tabatin problema cu motor. Un caso cu un boto di motor chiquito a sink y 2 pasahero Dominicano a wordo rescata dor di crucero "Emerald Princess" y e personanan aki a wordo tuma over dor di personal di Imigracion. Un pasahero di barco crucero cu mester a keda Aruba pa motibonan medico, y 1 caso di fayecimento abordo di e barco di container "Provincia".

## Dama a cruza caya sin paga tino cu trafico

**DIAMARS** atardi a drenta informe cu auto a dal un dama n'e luznan di trafico n'e cruzada van Leeuwenhoekstraat/Caya ing. Roland H. Lacle. Inmediatamente a dirigi un patruya y un ambulance n'e sitio.

N'e sitio e dama chofer di un Toyota Rav color di oro A-43937 a declara na AWEMainta cu e tabata pasando den luz berde for di pariba bayendo pabao y a wak cu di ripiente un dama a bay cruza caminda y a wak unicamente pabao, e dama chofer a purba desvia, pero e dama peaton a cuminsa core di tal forma cu el a dal den e spiel di e auto y a dal abao. Mesora algun di esnan presente a yude y a pone sinta en espera di ambulance.

Na yegada di e ambulance a dicidi cu ta mihor pa hibe hospital pa un check-up mas extensivo debi n'e golpi fuerte.



**Dinah Veeris**  
na ARUBA for di **CORSOW**

**Dia 26 di April na VanDorp Dakota for di 11'or pa 3'or celebrando...**

**Dia di Terra**  
cu un charla di e experto aki tocante **YERBA curativo.**



**Dinah su bukinan lo ta obtenibel!**



# Periodistanan mericano di bishita na Aruba

## E periodistanan a keda encanta cu nos isla

### Specialmente nos clima

**RECIENTEMENTE** Aruba Tourism Authority a invita un grupo di periodista Mericano pa bin bishita nos isla y asina ricibi tur informacón encuantu di e ultimo desaroyonan cu a tuma lugar ariba nos isla. E contacto principal tawata e compania Quinn & Co, kende a zorg pa manda invitacion pa un lista di periodistanan clave di cual 4 a wordo escohi pa bin Aruba durante un asina yama "US Press trip", mientras cu Marriott Aruba Resort and Stellaris Casino tawata e hotel anfitrión.

E programa a wordo coordina pa Sra. Nathalie Maduro, PR Liaison pa ATA, mientras cu Srta. Eileen Almonte di Quinn & Co. a biaha cu e grupo. E

diferente medionan cu a wordo escohi tawata, Houston Chronicle, Catalina Magazine y tambe un programa di televisión special cu nan ta produci, Elle Québec y Cruise ship on board Magazine.

Durante nan estadia, ATA asegura pa pone un tiki di turcos, cu e cooperacón varios miembro di AHATA, manera entre otro, bishita na e Butterfly farm, Aruba Aloe, Museo Historico, Parke Nacional Arikok, tambe nan a disfruta di un Jeep Safari Tour, bishita na De Palm Island, un paseo den catamarán, bishita na diferente di Aruba su beachnan. Tambe nan a reuni cu Sra. Gina Lopez-Gnecco, PR Director pa ATA y Sr. Mario

Arends, Marketing Manager USA, kende nan a conbersa cu e periodista nan, contestando diferente preguntanan clave y tambe a expresa nan opinión encuantu di henter e biahe y kiko ta nan percepción di Aruba como un destinacion turistico. Pa asegura cu nan a ricibi un bon cobertura di Aruba su diferente posibilidadnan culinario nan a bishita diferente restaurant manera entre otro, Pincho's Bar and Grill, Charlies Bar, L.G. Smith, Papiamento y finalmente ariba nan ultimo anoche nan a disfruta di un tremendo cena di despedida na The Simply Fish restaurant na e prestigioso Marriott Aruba. Durante e cena aki, e periodis-



tanan a disfruta di un cena ariba beach y e anfitrión nan pa e anochi tawata Srta. Karen Swiers, PR Manager pa e hotel como tambe Sr. John Woolley, Director of Sales and Marketing pa e hotel.

E periodistanan a keda sumamente encanta cu Aruba y principalmente e clima cu nos tin. Tambe nan a keda asombra cu Aruba su infraestructura y cu e diferente posibilidadnan cu tin disponible pa tanto

famia, parehanan y tur persona cu ta gusta deporte aquático. Un biaha mas, Aruba a sa di impresiona tur e medionan internacional y ATA pa medio di esaki tambe kier a gradici tur persona y compania cu e duna nan sostén pa cu e grupo aki. ATA lo publica cuáلكier articulo cu Sali publica pa asina comparti cu e pueblo di Aruba e promocionan internacional cu nos isla lo ricibi den exterior.

Ocho detencion a cai caba....

## Fabrica di bolita descubrí den Bijlmer

Pa: Godfried Adem

**AMSTERDAM** - Autoridadnan polis di e Cuerpo Amsterdam Amstelland den oranan tempran di dialuna anochi a drenta un cas den sercania di Bijlmerplein unda nan a pasa over pa detencion di 8 persona.

Ta trata di Antiano y personanan di nacionalidad Surinameño y Dominicano, kendenan a keda detene.

Den e caso aki autoridadnan di narcotica y di team di aresto a bin haña aparatonan sofisti-

ca pa traha bolita di cocaina y otro aparatonan adicional manera balansa y un suma grandi di placa y un cantidad di 5 kilo di cocaina.

Autoridadnan y Recherche di Buro Flierbosdreef hunto cu e Wijkteam di Ganzenhoef di rayon 4, ya pa basta tempo tabata vigila e grupo aki.

Nan lo mester a ricibi indicacion cu esakinan pa basta tempo tabata activo den Bijlmer, pero cada biaha tabata

cambia di cas pa despista autoridadnan.

E droga lo mester tabata bini sea di Antia y tambe di Surinam den paketenan cu tabata logra pasa control na Schiphol.

Na Amsterdam Zuid Oost e tabata keda entrega cerca e grupo cu a keda deteni y nan tabata traha e bolitanan aki y busca narco-galiñanan pa guli esaki.

Nan mester a biaha cu esaki pa otro paisnan den Europa mes

yentregá e mercancia cerca esnan cu a compra cerca e grupo di Bijlmer.

Un cantidad di muher Antiano y Surinameño, kendenan ta den problema financiero hopi grandi tabata ser usa pa guli y hiba e bolitanan den nan

stoma sea Inglatera, Belgica y Alemania y de bes encuando tabatin trip pa Turkia tambe. Autoridadnan a bisa cu no ta exclui mas detencion tanto na Hulanda como pafo di Hulanda y ta en busca di e mulanan tambe cu tabata guli.

## BBC World News ta bek na canal 5

**CABLE** TV Aruba a anuncia cu BBC World News lo ta bek na canal 5 entrante awe 24 di april 2008.

Manera ta conoci BBC (British Broadcasting Corporation) ta opera diferente red di television, stacionnan di television

y servicionan di programacion na Inglatera.

Ademas cu nan ta traha como "broadcaster" nan ta produci tambe un gran cantidad di programa di nan mes (in-house), formando asina un di

e companianan di produccion di television di mas grandi na mundo.

Interesante pa remarca ta cu e canal cu tabata conoci como simplemente "BBC World" su nomber a cambia pa BBC World News.



Awe 24 di April nos ta canta  
"HAPPY BIRTHDAY"

pa nos yui, ruman, amigo ymuy en especial guy mas stima, Jeffrey 'Tor' Semeleer, cu ta cumpliendo un anja mas di bida. Pabien ta bin di parti difamia Semeleer, Figaroa, Tromp, Lopez y v/d Linden. Tambe di parti Flying Kiki Jrs, Bad Intention Racing y sin laga afo di su popchi cu ta stime awe, mayan y semper n.m.w., Naysa. Baby mi ta spera bo pasa un dushi dia awe. Tambe mi kiera deseabo hopi anja mas di bida ysalud, y cu Dios bendishonabo ...  
LoVe YoU xoxo xoxo



# AWEMainta.com

cu un averahe di

# 100.000

hits pa dia

Lesa  
rond di  
mundo

bishita  
[www.awemainta.com](http://www.awemainta.com)



Summary										
Reported period		Month Apr 2008			Countries		U.S.	Netherlands	Aruba	Other
First visit		13 Apr 2008 - 19:21			Percentage		31.24%	31.20%	30.20%	7.36%
Last visit		20 Apr 2008 - 20:38								
Visits per day										
13-Apr-08	14-Apr-08	15-Apr-08	16-Apr-08	17-Apr-08	18-Apr-08	19-Apr-08	20-Apr-08	Hits	Average	
43983	143437	138386	103129	119610	99740	129182	31471	808938	101117.25	



# Xpresa bo mes

noticia@awemainta.com

Tur comunicado o remetido cu ser manda pa AWE**Mainta** mester inclui nomber, fam y number di telefon di e remitente. AWE**Mainta** ta keda cu e derecho reduci of edita esakinan pa publicacion.

## Sin bergüenza, nos a lucha pa bo tambe!

Schaamteloos hebben we ook voor jou gestreden!

**GEACHT** bestuur van de SDA,

In overleg met de overige leden en niet-leden hebben we besloten u te verzoeken, ingeval onze strijd inzake de indexering tot een positieve beslissing leidt, het volgende voor ons te bedingen:

Dat alleen de leden en niet-leden die daadwerkelijk gestaakt hebben, alsmede de gepensioneerd in aanmerking komen voor de indexering. Het kan niet zo zijn dat juist degenen die voor hun principi-

pes staan en hun werk hebben neergelegd, benadeeld worden door inhoudingen op hun salaris. Het feit dat anderen die gewoon zijn gaan werken en niet aan deze uitputtingslag hebben deelgenomen, ook indexering krijgen, is naar onze mening niet rechtvaardig. Vrij vertaald zou dit betekenen, dat in een democratie vooral degenen die tegen onrecht zijn, en hun sociale verantwoordelijkheid tonen door op te komen voor hun rechten, worden beknot in deze rechten c.q. financieel afgestraft.

Mocht naderhand blijken, dat er

geen onderscheid gemaakt kan worden tussen ambtenaren, dan kunnen de ambtenaren die niet gestaakt hebben hun gelijk voor de rechter uitvechten. Nu dit pad reeds door de harde kern van stakers geëffend is, is dit een fluitje van een cent.

Hopende dat u dit verzoek met uw leden zult behandelen en vertrouwende erop dat u dit naar een positief einde zult leiden, groeten wij u

Namens de "harde kern van stakers"

Esaki ta un peticion di parti di

e "harde kern van stakers", den cual nan ta pidi SDA pa den caso cu gobierno honra e indexering pa percura legalmente, pa solamente e luchadornan y welguistanan, cu berdaderamente a para den solo cayente dianan largo, of kisas un dia so, pero cu di berdad a saca nan cara, por haya e indexering pagá. E otronan cu a prefera di keda na pia di trabou, debilitando e lucha y no a sali ningun momento, mester cana nan caminda legal pa nan tambe por bin na e pago di indexering. E tipo di hendenan aki tin riba nan consenshi cu e

lucha a dura asina largo.

E caminda skerpi y duro ya e welguistanan a cane caba, cantando y bailando den solo cayente 7 siman, sacrificando casi tur nan salario y kitando asina tur obstaculo pa esnan na trabou.

Por ultimo e "harde kern" ta di opinion cu e pensionadonan mester haya e indexering bou di tur circunstancia.

E peticion aki a wordo firma dor di por lo menos 400 stakers, e cantidad aki sí Nel y Nilo por biba cune, nos ta supone.

Na nomber di e "harde kern van stakers"

## Reconstruccion di asesinato na Gato



**WILLEMSTAD** - Ayera mainta tabatin reconstruccion di e caso di asesinato cu a tuma lugar dia 26 di october aña pasá na Gato caminda e sospechoso Jamaikino riba e foto aki a bai hòrta den cas di e ciudadano E. Geertruida y ora cu e victima a sorprendé e ladron, esaki a puñalé mortalmente y a huy bay.

Ta despues di algun dia a nota cu e victima tabata morto den su cas y e investigacion cu polis a haci a resultá den detencion di e Jamaikino Andreson. Ayera mainta e reconstruccion a tuma lugar ne cas na Gato caminda e asesinato a tuma lugar.

EVANGELIST

# ART BLAJOS

Art Blajos was a Mexican mafia hit-man for 15 years. Sentenced to the gas chamber on Death Row, Until something happened.....

Author of **BLOOD IN, BLOOD OUT**

**DON'T MISS OUT!!**

www.voaruba.com  
www.victoryoutreach.org

Place: YMCA San Nicolaas  
Date: April 25  
Time: 7:30 p.m.  
Tel: 5834440/ 5630183

Everyone is welcome  
Place: Plaza Betico Croes  
Date: April 26 & 27  
Time: 7:30 p.m.



# E peligernan di basha awa preto den rooi of den reservoirnan di awa

**PARCE** cu e companianan di Sewage/Septic Service ta haciendo negoshi cu awa di dam. Mas yamada a drenta en cuanto tanto coymento como descarga di awa den dam y tankinan.

Ultimo tempo por a constata atrobe cu hende sa pomp nan awa sushi di beerput (pos) den rooi of directamente den awa di dam of tanki.

Awa di beerput casi semper ta contene micro-organismonan menos agradabel of hasta peligroso mes pa ser humano y bestia.

Aki no ta papia solamente di e conocido Escherichia coli. No, aki nos ta papia tambe di organismonan cu si por ta causa di malesanan severo, man-

era typhus, diarea, dysenteria, hepatitis infeccioso, of cu por duna bo, por medio di su webonan, un lintworm basta grandi. Fuera di esey e awa sushi aki ta masha vies y di holor malo, y tambe ta musta falta di respet pa bisiñanan y otro hende rond di nan.

Ora e awa sushi aki yega reservoir di awa (tanki of dam) e ta bai forma parti di e nutriente di alganan cu sa crece ey den. Esaki ta causa cu e alganan aki por crece masha liher mes. Esaki ta yama “eutrofiëring” of “algenbloei” y tin como consecuencia cu rayonnan di solo no por drenta den awa mas.

E awa ta bira troebel ora e alganan ta muri y tur e mata y bestia cu ta depende di oxigeno den awa por muri. E awa por ta

contamina cu azeta pa cushina tambe.

Varios restaurant ta laga e azeta pa cushina bai den pos. Un otro fuente di polucion t’e azeta/combustibel cu pompnan cu no ta funciona debido ta laga atras den e awa.

Bestianan cu bebe e awa di e reservoir aki por bira malo como resultado di e awa contaminada. Awa di e calidad asina tambe no por ser usa mas pa produccion di fruta of berdura. Uzo di awa contaminada pa irigacion di mata, especial berdura di foyo of berdura cu ta wordo comi curu, por ta desastroso pa salud di hende.

Si un fruta haya contacto cu e awa aki, tambe e por afecta salud di hende ora e ta wordo

comi. Como resultado cantidad di hende productor di fruta y berdura por keda sin entrada pasobra no por usa e awa contaminada aki (pa motibo cu un hende consciente no ta cumpra productonan contaminada cu susedad di beerput).

For di aña 2006 Hygiënische Dienst hunto cu Landslaboratorium a haci diferente analisis bacteriologico pa wak con e calidad di awa di damnan ta. A ser confirma cu 65% di e damnan, cu a wordo analisa den e periodo aki, un of mas bez a keda contaminada cu micro-organismonan di origen fecal humano!

Ultimamente tabatin un septic truck, nos a registra e number di empresa y number di auto,

operando na e dam Tanki Leendert. Un mancha grandi di azeta ta drief den e dam. Prueba t’e resultado di analisis di E. coli n’e dam cu tabata halto atrobe.

Ta prohibi pa truck di haci beerput limpi pa bin den cercania di un dam of tanki. P’e motibo aki, si bo mira un persona (of un truck di haci beerput limpi) descarga awa den cercania di (of den) tanki of dam of cu ta flush su tanki cu awa di dam of tanki, nos ta pidi bo pa avisa mesora DLVV Santa Rosa (tel. 585-8102), Hygiënische Dienst (tel. 522-4200), Inspectie Volksgezondheid & Milieu (tel. 584-1199) of Polis (tel. 100) y corda di registra e number di empresa cu ta riba e tank y e number di e auto.

## Monica Kock ta considera gobierno di MEP uno inhumano

Door di e medida di “no work no pay” kita den un solo biaha



ralmente cuminda ta bin prome. E ta splica cu no ta e trahador so ta wordo perhudica pero tambe e resto di e famia, y esey ta algo cu MPA ta considera inhumano. MPA no ta desmenti cu no work ta no pay, esey ta ley. Pero como doño di trabou bo tin cu ta un “goede werkgever”. Den esaki bo mester ta humano. Mesun cos cu un tata tin un discusion cu su yiu y djis pasobra e yiu no ta hasi locual e tata kier, no ta trese cu ne cu e tata ta keda sin dune cuminda.

Monica Kock ta considera cu gobierno di MEP por tabata mas social dor di a retene/kita e sumanan di e vakantieuitkering cu lo wordo paga dentro di 2 luna. E vakantieuitkering ta algo sigur cu e ambtenaar tin derecho riba dje anto e entrada ey no ta mara na gastonan mensual manera hypotheek di cas, awa y coriente. Si Minister Swaen a retene esaki di e vakantieuitkering, lo trese cu ne cu e trahador lo tin entrada pa paga un parti di su gastonan mensual den e luna di april y e no lo tin e situacion cu e trahador tin e problema cu banco, paga boet pasobra e no por paga e luna, of cu coriente y/of awa ta wordo corta.

“Minister Presidente como doño di trabou mester wak pa su trahadornan. Gobierno di MEP ta un partido social-democrata. MPA ta haci un suplica na gobierno di MEP pa sigui e solucion di verrecken cu e vakantieuitkering. Esaki lo demonstra e parti social di MEP”, Parlamentario Monica Kock a conclui.

**LIDER** di partido MPA a comenta cu nan a haya masha hopi yamada di personanan cu ta den problema dor di e decision di gobierno di MEP pa verreken, kita inmediatamente, tur e placa di salario di e trahadornan cu no a traha.

Monica Kock ta bisa cu gobierno por dicidi segun ley y ta berdad cu e trahador mes a tuma e decision pa no traha. Pero e decision di gobierno di MEP di retene tur cos den un biaha a pone cu e trahador awor tin problema pa paga su gastonan mensual, manera coriente, awa, pagonan na banco pa auto y cas pasobra no tin placa y natu-

**"23,4% KORTING"**  
**ZOLANG DE STAKINGS AKTIES DUREN**



Alle overige meubels  
en accessoires  
**6% korting**

Op alle boekenkasten  
**23,4% korting**



**OP=OP**



**TEAK HOUSE**  
FURNITURE  
L.G. Smith Blvd. 124  
Tel 582-7659  
[www.teakhousearuba.com](http://www.teakhousearuba.com)  
Mon-Fri 9-6 non-stop  
Sat 10-5 non-stop



Revista “Duiken” a bishita Aruba pa produci

# Articulo riba buceo na Aruba



**RECIENTEMENTE** e revista Hulandes “Duiken” tabata di bishita na Aruba. Revista “Duiken” ta un revista mensual cu ta cubri Hulanda, Belgica, Luxemburg y Alemania. E revista “Duiken” tin un circulacion di 59.000 ejemplar y tambe ta traha cu e revista Aleman Tauchen, cu un circulacion di 320.000. E revista “Tauchen” ta wordu distribui na tur e paisnan

di habla Aleman.

E revista “Duiken” a asigna su hefe di redaccion y fotografo Sr. Rene Lipmann y Sra. Ivonne van der Valk, editora di Duiken pa produci un reportahe di Aruba su producto di “Scuba Diving”. Sr. Castro Perez, representante di Aruba Tourism Authority a prepara un programa extenso unda cu nan tabata tin e oportu-

nidad pa sambuya cu tres diferente “dive” operador. Durante nan estadia nan a sambuya cu S.E. Aruba Fly’n Dive, Red Sail Sport, y Unique Sport of Aruba. Sr. Castro Perez di ATA a fungi como nan guia bow di awa y tambe nan anfitrión ariba tera. Durante e siman cu nan tabata na Aruba, nan sambuya na diferente sitio na Aruba. Nan a sambuya entre otro na



Antilla dos biaha, e barco Jane C, Debbie 11, Pedernales, e avion nan dilanti e isla di Renaissance, Rifnan di Barcadera, Plonco Reef, Tire Reef, De Palm Slope, y Skalahein. Despues di a sambuya dos biaha pa dia e parti mainta, nan tabata tin e oportunidad di come merdia na diferente restaurant cu tabata entre otro Havana Beach Bar, Pega Pega Beach Bar, Bucuti Beach Resort y Amsterdam Beach Manor. Ariba Diamars anochi nan a bishita Bon Bini Festival pa disfruta di nos musica tipico. Nan a gusta e musica di Carnival y tambe di caha di Orgel. Ariba diaranson anochi nan a wordu invita pa un cena

na The French Steakhouse na Manchebo. Ariba e ultimo dia nan a hasi un “Full Day Jeep Safari” cu De Palm Tours, pa asina nan por a cera conoci cu algun di nos atraccion turistico. Durante nan ultimo atardi na Aruba nan a bishita un establecimiento local cu ta e conocido Caribbean Store na Palm Beach of mihor conoci como e tienda di “Perucho”. Eynan nan a combersa cu diferente personahe local y a intercambia di idea. Nan a disfruta masha hopi mes di e ambiente local y a keda cu un bon impresión di Aruba. Nan a priminti cu pronto nan lo bolbe Aruba, pero e biaha aki di vacacion cu nan familia.

## Resultado di VOV-screening Vroegtijdig Onderkennen van Visuele stoornissen



**RECIENTEMENTE** Seccion di Salud Hubenil (Jeugd Gezondheids Zorg), Wit Gele Kruis y FAVI a sigui e training “Vroegtijdig Onderkennen van Visuele stoornissen” dor di Sra Kathleen Lantau, cu ta coordinadora di Fundacion cu ta encarga cu deteccion tempran riba e tereno aki na Hulanda.

Deteccion tempran di problema visual ta importante pa e mu-

cha chiquito pa motibo cu mas tempran e problema wordo detecta mas tempran ayudo pa e mucha aki ta cuminsa.

E meta ta pa haci e screening aki for di tempran cerca tur mucha cu ta bishita consultorio di WGK. Si tin cualkier duda JGZ of WGK ta referi e mucha via di dokter di cas na un dokter di wowo y tuma contacto cu FAVI. Pues mayornan por mira

esaki como algo masha positivo pa e desaroyo y bienestar di salud di nan yiu. FAVI kier subraya cu trahando hunto cu otro instancia e lo logra su meta pa cu e mucha chiquito (cu posibel limitacion) haya ayudo tempran. Detecta tempran pa un miho desaroyo mayan! Riba e foto nos por mira tur e profeshonalnan cu a participa na e training conhuntamente cu e trainernan di Hulanda

## Solo a sali porfin na Hulanda



E siman aki na Hulanda tabatin algun dia cu un tremendo solo, cu a sali y e temperatura tabata di algo riba 20 grado. Weer a pone cu hopi hende a sali cas y otronan te hasta a keda sin bai trabao. Na Amsterdam hopi hende for di temparn riba caya. Prome dia di e aña aki cu ta mira solo na Hulanda. E fotonan aki ta saca den centro di Amsterdam riba Leidseplein.



# Internacional

## Hillary Clinton ta haya tres miyon dolar depues di victoria



E equipo di campaña pa e candidatura presidencial democrata di Hillary Clinton a haya tres miyon dolar adicional ayera, recauda via internet, poco despues cu su victoria den e eleccionnan primaria di Pennsylvania a worde confirma.

“Desde nos victoria di ayera nochi nos a recauda tres miyon dolar riba internet”, Clinton a bisa ayera na NBC ora e la comenta riba su victoria na Pennsylvania pa 10 punto di bentaha riba Barack Obama y logra mantene su pretension di yega Cas Blanco na bida.

E equipo di campaña di Clinton tin speransa cu e triunfo electoral aki ta yuda inyecta fondonan adicional pa e candidatura di e senadora pa New York, cu actualmente tin un debe di 10,3 miyon dolar y tin un fondo den efectivo di solamente 9,5 miyon.

Obama ta mantene un gran bentaha cu su disponibilidad na efectivo di 43 miyon dolar, registra dia 1 de april, pa sostene su campaña.

## Un paro di fuego na Gaza ta hopi cerca, segun autoridad palestino

E ministro di Relacionnan Exterior y vocero di Autoridad Palestino, Riyad al-Malki a bisa diaranson cu “pronto por spera e anuncio di un paro di fuego of di un tregua na Gaza” cu Israel.

“Mi ta kere cu nos ta hopi cerca di anuncia un paro di fuego of un tregua na Gaza”, Al Malki a bisa den un foro tení na Madrid, un dia prome cu un encuentro entre e president di Autoridad Palestino Mahmoud Abbas y e president mericano George W. Bush na Washington.

Un tregua “lo permiti pa lanta e blokeo, y habri e zona na frontera y tambe caba cu e incursionnan israeli y e



Mahmoud Abbas

lansamento di cohete pa parti di Hamas contra sur di Israel”, Al Malki a añadi, subrayando e importancia di e papel di Egipto pa cu Hamas pa logra un paro di fuego.

E inicio di un tregua a worde acepta dia 14 di april pa Israel, despues di un encuentro entre

e prome ministro israelí, Ehud Olmert y Mahmud Abbas, cu condicion cu esaki ta worde logra via un intermediacion egipto.

Hamas a rechasa, dia 27 di maart, e proposicion egipto pa un paro di fuego cu Israel riba franha di Gaza y a bisa cu e tregua mester aplica tambe riba Cisjordania.

Desde cu e movimiento islami-ta Hamas a podera cu forza di franha di Gaza na juni 2007, e Estado hebreo a impone un blokeo y a cera tur paso via caminda.

E representante palestino ayera mester a topa cu e ministro spaño di Asuntonan Exterior, Miguel Angel Moratinos.

## Recibimento ta serca

No busca Leu .....

“Manchito’s



**Pa tur bo articulonan di Prome Santa Comunion**  
**Mercancia nobo a yega, tanto pa mucha muhe y mucha homber !**



FERGUSONSTRAAT 71, ORANJESTAD, ARUBA  
TEL/FAX: (297) 582-2303



# Delta a perde 6.400 miyon den prome trimester

**ATLANTA - Delta Air Lines, e di tres aerolinea mas grandi di Merca, a anuncia cu su perdidan a aumenta den e prome trimestre na 6.390 miyon dolar debi na subida di prijs di combustibel y e rebaha di e valor di mercado di e empresa.**

E resultadonan tabata hopi leu di loke Wall Street a pronostica, a pesar di un aumento di 12% den benta.

E empresa cu sede na Atlanta, a indica diaranson cu e perdidan ta igual na 16,15 dolar pa accion, compara cu e 130 miyon dolar di perdida di Delta den e prome trimestre di aña pasa, tempo e compania tabata den bancarota.

Entradanan den e prome trimestre a aumenta na 4.770 miyon dolar, compara cu 4.240 miyon den e mesun periodo di aña pasa. E accionnan di Delta a subi 10 cen den contratacion nocturno y a cotiza 6,90 dolar pa accion, compara cu 6,70 dolar, e cifra mas abao den un aña.

Delta a bisa cu su perdida den e prome trimestre ta encabeza pa un aumento di 585 miyon, compara cu e mesun periodo di un aña pasa, di gastonan di combustibel.

E accionnan di Delta a baha casi 69% desde cu e aerolinea a sali di 'chapter 11' di e ley di bancarota dia 30 di april 2007.



Dia 14 di april ultimo Delta a anuncia un fusion cu Northwest Airlines Corp. den un operacion di cambio di accion cu, si e worde aproba pa e organismonan regulador y accionistanan, e lo crea e aerolinea mas grandi na mundo. Northwest ayera mester a

divulga su resultadonan di e prome trimetser di aña.

“Nos necesidad pa responde na e presionnan di e dramático subida di combustibel y e debilidad di economia mericano a pone nos samina tur alternativa pa proteha e

futuro di Delta”, e director general, Richard Anderson, a bisa den un declaracion. “E fusion cu Northwest lo crea un aerolinea cu e tamaño, red y presencia global cu ta permiti’e wanta recesionnan economico y competi na largo plazo den mercado global”.

## Forzanan arma mericano ta recluta delincuente

**WASHINGTON -**

Bao presion intenso pa aumenta reclutamento, forzanan arma mericano ta aceptando cada biaha mas persona cu antecedente criminal den nan filanan.

Cifranan divulga pa un comision di Congreso ta muestra

cu e cantidad di solda, cu antecedente penal, admiti den ehercito a subi di 249 na 2006 pa 511 na 2007. Y entre e infantenan di marina e cantidad a pasa di 208 pa 350.

Gran parti di e delitonan tabata robo den cas, hortamento y delitonan di droga, pero den nueve caso a trata di delitonan sexual y seis tabata di asesinato no intencional y asesinato causa pa accidente di auto.

E hefe di e comision di Supervision y Reforma Gubernamental di Camara di Representante, e demócrata Henry Waxman, cu a divulga e datonan, a bisa cu tal vez tin rasonnan valido pa duna hende un di dos oportunidad.

Pero e’la añadi cu “a surgi preocupacion cu e aumento significativo den reclutamento di personanan cu antecedente criminal ta un resultado di e presion riba e forzanan arma pa e guerra na Irak”. Esey ta “mina e preparacion di e tropnan”, e’la bisa.

Servicionan arma ta usa un clausula special pa admiti reclutanan cu antecedente penal, y hopi di e crimennan a worde cometi tempo e reclutanan trabata adolescente.



## Merca no ta interesa den un Consejo Suramericano di Defensa

**MERCA** ta considera e proposicion brasileiro pa un Consejo Suramericano di Defensa “interesante”, pero no tin interes “imediato” den e tema, e subsecretario di Estado mericano pa América Latina, Thomas Shannon, a bisa den declaracionnan publica ayera.

Segun Shannon, su gobierno ta mira e proposicion brasileira manera un “mecanismo concerta, diseña pa promove dialogo entre e ministronan di Defensa”, pa aporta un “nivel adicional di dialogo cu por yuda seguridad di e region. E ta un idea interesante”.

No obstante, e’la bisa bon cla cu su pais “no tin un interes inmediato den wegá”, y a sigura cu e proyecto no ta exclui Merca for di instancianan di dialogo di e region suramericano.

“Nos tin bon relacion cu e Forzanan Arma y cu e Ministronan di Defensa di suramerica, y e iniciativa aki no ta interferi ni interumpi e relacion aki. Tin instancianan mas grandi



Thomas Shannon

cu ta liga nos na Sur America y America Central”, Shannon a bisa e corant Valor.

E ministro brasileiro di Defensa, Nelson Jobim, e luna aki a cuminsa un gira di contacto cu tur gobierno di e region pa impulsa e idea di Consejo Suramericano di Defensa, incluyendo un reunion cu e Secretaria di Estado, Condoleezza Rice.

E proyecto tin como meta pa articula politica regional di defensa, organiza ehercicio conhunto y forzanan di paz, y permiti un analisis di e circunstancia internacional y di situacionnan regional. Durante un bishita na Brazil na maart, Rice a afirma cu su país ta confía den e iniciativa brasileiro pa preveni y resolve crisisnan regional.



# Primo di Uribe detení



Embahada di Costa Rica na Bogotá bao vigilancia policial



Mario Uribe

**BOGOTÁ** - Fiscal General a ordena detencion di e ex senador Mario Uribe, primo di president Alvaro Uribe, pa presunto delito di promove gruponan paramilitar, segun a worde informa diamars ultimo.

Un comunicado cortico di Fiscal General a indica cu su despacho a bai over na un “detencion preventivo... contra e ex senador Mario Uribe pa e delito di promove gruponan arma cu ta na margen di ley”.

Uribe, cu tabata president di Senado di 2000 pa 2001, a renuncia su asiento na fin di aña pasa precisamente pasobra Corte Supremo di Husticia a yamé pa interrogé como sospechoso di mantene vinculo cu paramilitar.

Pa evita e proceso den e Corte maximo, y pa evita di ser interroga pa Ministerio Publico, Uribe a renuncia di su asiento.

Pa e presunto lazonan aki cu paramilitar mas di 30 parlamentario colombiano - di un Camara di Representante di 164 miembro y un Senado di 102 - a worde deteni y encarcela desde 2007 te cu e siman aki, mientras por lo menos otro 30 ta worde investiga.

Di nan, por lo menos tres ya a worde condena y e resto ta warda sentencia den un proceso cu a shock mundo politico colombiano, pasobra hefenan di paramilitarismo den prison a confesa nan relacion cu ex gobernador, ex alcalde y parlamentarionan. Ministerio Publico ta investigando si e paramilitarnan a paga pa campananan electoral y si nan a influencia e electorado pa

elegi parlamentarionan manera Mario Uribe, un forma di eherce influencia político.

Na prome instante e paradero di e ex senador di 58 aña no tabata conoci, ya cu yamadan na su celular no tabata worde contesta, ni tampoco e celular di su abogado defensor, Nogier Agudelo.

E emisora di radio priva Radio Caracol a revela cu e ex

senador Mario Uribe, primo di president Alvaro Uribe, ta den embahada di Costa Rica pa pidi asilo politico.

E abogado José de Carmen Ortega, cu ta asisti Uribe, a bisa e radio emisora cu e ex senador ta na e delegacion diplomatico di e país centroamericano na Bogotá, “pa solicita asilo político”, sin

duna mas detaye.

Mientras tanto Costa Rica a nenga e solicitud di asilo político di e ex senador colombiano Mario Uribe.

“Canciyeria ta considera e asilo di sr. Mario Uribe Escobar como inoportuno”, segun un comunicado di Ministerio di Relacionnan Exterior di Costa Rica emiti na San José.



## JOB OPPORTUNITY

WE HAVE THE FOLLOWING OPENING:

### Administration Assistant

#### Requirements:

- Professional education
- At least 5 years of actual experience
- Computer knowledge: QuickBooks & Ms Office
- Accounts Payable /Accounts receivable, Bank reconciliation .
- Monthly closing and reports.
- Good communications skills .
- Persevering and committed to high level of responsibility
- Easy learning capabilities and able to adapt to changes.
- Excellent communication skills and fluent in English,Spanish,Dutch, & Papiamentu

#### We Offer :

- Long term employment with stability in a growing local company.
- Attractive starting salary with growth opportunities
- Secondary benefits suited for job responsibility

If you are interested to be part of our excellent team, and you meet the above mentioned requirements, Please send your CV to: [jibikker@asap.aero](mailto:jibikker@asap.aero) or [reception@asap.aero](mailto:reception@asap.aero) or apply personally at A.S.A.P. Reina Beatrix Airport (Maintenance Site)  
Tel: 5830023 /5830051 or fax to 5820247



# Deporte

Ta pensa otro

## Ramon Calderon a bisa cu lo no busca Aguero debi na bon relacion cu Atletico

E presidente di Real Madrid, Ramon Calderon, a sigura diaranson cu tenta e hungador Sergio Kun Aguero ta bay contra e politica di e club y ademas ta kibra e bon relacion cu Atletico di Madrid.

Di e manera aki ta sera e historia di Kun y Real Madrid. Un historia cu nunca a existi y cu awo ta keda sentencia, segun a señala e corant Mundo Deportivo.

E novela aki a duna hopi pa papia pero nunca tabata tin argumento solido cu a pone e fanatico di e merengue ilusiona, pero cu nunca a preocupa e fanatico di e team cora cu blanco.

Sergio Aguero tabata e prome na laga cla cu no ta bay bisti di blanco. “Ni loco”, e argentino a bisa, ora a wordo puntra pa e posibilidad di un futuro den e eterno rival. Un afirmacion cu e hungador a uza practicamente di manera sistematico cada biaha cu puntre riba e asunto.

Despues di e futbolista, a toca e turno na titular di Atletico, Enrique Cerezo, ken e historia a zona manera ta zona cada verano cu Fernando Torres. E presidente no ta wak ningun posibilidad cu Kun lo sali pa e eterno rival.

Y awo a yega e confirmacion di e tercer parti implica den e historia. Ramon Calderon, presidente di Real Madrid, a bisa cu Aguero no ta plan di e team.



Ken lo yega

## Liverpool y Chelsea ta keda empata den Champions League su semifinal

UN gol den e propio gol di e hungador John Arne Riise den tempo di descuento a permiti diamars cu Chelsea kibra e mala suerte di Anfield cu un empate na uno cu ta duna e team di Chelsea un ventaha riba di Liverpool. Pa asina e wegata termina 1-1.

Liverpool tabata suficiente pa hunga contra un Chelsea hopi malo yena di mala suerte, den forma di gol den propio gol, a salba un biaha mas di cay den e Anfield.

E futbol poco vistoso den e team di Londen y e entusiasmo muestra pa Reds a hasi lubida, momentaneamente cu ta mantene e doñonan di e club di Liverpool, e mericano Tom Hicks y George Gillett.

E fuerte grito den cual e stadion a bira no a hasi tur imposibel pa Chelsea, cu a evita perde pa di tres biaha contra di Reds. Diamars, e team di Chelsea a kibra nan mala suerte den e veld danki na e mesun rival.







Ta demasiado

## Silvio Berlusconi a bisa cu Barcelona ta pidi un cifra demasiado halto

E presidente y propietario di Milan, Silvio Berlusconi, a bisa den declaracion na e radio "Radio Radio" cu Barcelona ta pidi un cifra excesivo pa e delantero brasileño Ronaldo de Assis "Ronaldinho". "Nos kier esaki y kier pa esaki yega Milan, pero Barcelona ta pidiendo un cifra cu tur ta considera esaki excesivo", Berlusconi a bisa, confirmando asina e paro den e negociacion pa e compra di e delantero.

Un par di dia pasa, e vicepresidente di Milan, Adriano Galliani, a splica cu no tabata tin un aproximacion entre ambos club.

"Nunca mi a bisa cu nos tabata serca di Barcelona. Un cos ta serca di e hungador y e otro ta den relacion cu e club", el a bisa.

Segun e prensa deportivo italiano, Milan a ofrece algo mas di 20 milyon di euro pa e compra di Ronaldinho y e lateral Gianluca Zambrotta, mientras cu Barcelona ta pidi 50 milyon pa tras-pasa ambos.

Pa otro banda, Berlusconi a anuncia cu lo baha como presidente di e club di futbol milanés, ya cu lo ta e presidente nobo di e Gobierno di Italia, y manera ya a pasa den pasasdo, pues ambos cargo ta incompatibel.

Asina mes, e futuro presidente di gobierno a lansa un idea di un campeonato exclusivo solamente pa e clubnan grandi, ya cu un team importante no por hunga na localidad cu tin stadion di 20.000 fanático solamente.



Puro decepcion

## Rafael Benitez a muestra hopi decepciona pa empate di su team

CU un decepcion grandi, e entrenador di Liverpool, Rafael Benitez a reconoce cu e empate na uno contra di Chelsea na Anfield a laga esaki berdaderamente rabia pa a sufri un gol na final di e wega di ida den e semifinal di Champions League.

"Mi ta berdaderamente rabia pa laga score un gol na final y por supuesto awo nos tin cu cambia nos mentalidad y bay eynan cu e idea di gana", e tecnico a señala.

Despues di e empate cu e team cu ta wordo dirigi pa e israeli Avram Grant, e tecnico madrileño a reconoce su gran decepcion pa e resultado aki.

E entrenador di Reds no a oculta su indignacion na e decision di e arbitro di añadi cuatro minuut di tempo di descuento, decision cu ta considera difícil di compronde y a bisa cu a keda sorprende pa esaki.

"Awo nos tin cu bay eynan pa Stamford Bridge y gana", el a bisa. Riba e wega, Benitez a señala cu tabata sa desde e principio cu lo ta hopi difícil e wega aki.

"Na final tabata complica, pero no por a culpa niun hende pa un gol den propio gol. No por culpa ningun hungador", el a bisa.

Na analisa e wega di su team, e tecnico a señala cu su hombernan tabata tin tres ocasion cla, pero den e tipo di wega aki nunca t afacil pa crea oportunidad. "Y ta pesey mi ta decepciona, paso nos no a probecha", el a añadi.





Wang invicto

## Yankees ta logra gana White Sox

**BOBBY** Abreu ta logra dal un homerun cu base yen den di siete inning, Chien-Ming Wang ta logra su victoria number 50 den grandes ligas y Yankees no ta sinti falta di Alex Rodriguez pa nada, na gana Chicago White Sox pa 9-5 diamars anochi.

Abreu a conecta e di siete homerun cu base yen den su carrera contra e dominicano Octavio Dotel, cu dos out den di siete, pa hiba New York na gana despues di un deficit di 3-2. Tabata su di

seis homerun den apenas 14 wega den e stadion U.S. Cellular.

Johnny Damon a dal un homerun di tres careda contra e relevo Matt Thornton den di ocho inning pa laga asina e score na 9-4, y Jason Giambi a agrega un bataso solidario na segunda.

Wang (4-0) a traha seis inning pa converti den e prome habridor di Yankees na gana e prome cuatro decision di su carrera desde cu Kevin Brown a gana su prome cinco den 2004.



Un caminda pa no lubida

## John Smoltz ta e unico pitcher na yega un record asina grandi

**JOHN** Smoltz a converti diamars den di 16 pitcher den historia cu ta yega 3000 ponche ora e pitcher di Atlanta Braves a retira riba strike Felipe Lopez, di Washington den di tres inning.

Smoltz di 40 aña a ricibi un ovacion di pia despues cu a poncha e boricua Lopez den cuenta di 2-2 pa e di dos out den e inning.

Nick Johnson y Austin Kearns a poncha caba cu strike canta den di dos y e pitcher di Nationals, John Lannan a poncha esaki na comienso di e

tercer inning.

Entre e 15 pitchernan cu ta ubica riba e lista, Smoltz ta yega e cifra mas liher cu exception Pedro Martinez, Randy Johnson, Nolan Ryan, Curt Schilling y Roger Clemens.

E dominicano Martinez ta figura di 15 lugar cu 3031 ponche.

Smoltz ta tambe e unico pitcher den historia cu 200 victoria y 150 wega rescata den su carrera. E lider historico ta Nolan Ryan cu 5714 ponche.





# Oil Movements Warriors ganador absoluto den competencia di basketball di Valero

**DEN** cuadro di promocion di actividadnan deportivo y team spirit, tur aña Valero Aruba Refinery ta organisa un torneo di deporte entre e diferente departamentonan di e refineria. Durante un luna seis actividad deportivo ta tuma lugar: basketball, volleyball, futbol di sala, bowling, seso sport y mens erger je niet y softball. Tur empleado di e departamentonan por forma equipo pa asina competi contra otro den e actividadnan cu nan ta desea.

E prome actividad cu a tuma lugar tabata e torneo di basketball. Dia 19 di april e equiponan a topa otro na Pova

Country Club y pa cinco ora basketball tabata e unico cos riba e participantenan mente. Na fin di e anochi e equipo di Oil Movements a bira e ganador absoluto despues di a gana e equipo di North Area, North Explorers.

Un danki special ta bai pa Rufina Tromp cu tabata encarga cu e organisacion di e evento di basketball y a percura pa tur cos cana bon. E siguiente evento ta bai ta e torneo di volleyball dia 26 di april 2008.

Portret team ganador: D.r.p.d. rij ariba: Leo Geerman, Rene Susana, Jason Arindell, Nancy Collins, Miguel Nava,

Monique Palm, Greg Martis. D.r.p.d. rij abou: Frido Semeleer, Perry Young, Jermain Wilson, Paulus Martijn. Portret 2: Rufina Tromp ta ricibi un toke di aprecio pa su trabou duro di Paul Arends, hefe di departamento di recursonan humano na e refineria.

Valero Energy Corporation ta un compania cu ta aparece den e lista di Fortune 500 y tin su sede principal na San Antonio, Texas.

E tin mas o menos 21.000 empleado y un entrada anual di mas cu 90 biyon dollar. E compania ta opera un total di 17 refineria na Merca, Canada y den

e region di Caribe. E 17 refinerianan aki tin un capacidad di procesamiento combina di mas o menos 3,1 miyon bari pa dia, locual ta haci Valero Energy Corporation e refineria di mas grandi na Norteamerica.

Tambe Valero ta un di Merca su operadornan di comercio por menor di mas grandi cu mas o menos 5.800 tienda y establecimiento di benta por mayor na Merca, Canada y den e region di Caribe bou di varios marca manera Valero, Diamond Shamrock, Shamrock, Ultramar, and Beacon. Pa mas informacion, bo por bishita nos website [www.valero.com](http://www.valero.com).



# Inscripcion ta habri pa competencia di flie

**DIRECTIVA** di SV Jong Aruba, seccion Lifida, ta preparando un gran competencia di Flie cu ta tuma lugar otro siman Diavierna, dia 2 di Mei 2008. E evento aki tin espacio habri pa maximo 223 flie, reparti den 5 categoria. E evento ta carga e number di Jong Aruba Kite Slam 2008.

Lo importante ta cu e dianan di inscripcion lo ta e siguiente dianan aki. Tuma nota cu no por inscribi mas despues di e fechanan aki. Lo cobra 5 Florin pa cada Flie cu inscribi, y e pago tin di wordo haci inmediatamente. Mayornan mester ta presente ora di inscribi nan yiu, y tambe ora di participa. Categoria 1--- Pa edad di 4 pa 8 aña, flie di tamaño maximo di 30 x 50 cm. Lo tin maximo 60 Flie den e categoria aki. Categoria 2---

Pa edad di 9 pa 12 aña, flie di tamaño maximo di 75 x 100 cm. Lo tin maximo 60 flie den e categoria aki. Categoria 3--- Pa edad di 13 pa 16 aña, flie di tamaño maximo di 125 x 150 cm. Lo tin maximo 40 flie den e categoria aki. Categoria 4--- Esaki ta Adulto Open, 17 aña pariba, flie di tamaño maximo di 175 x 200 cm. Maximo di 42 flie den e categoria aki. Categoria 5---

Esun mas grandi pa Adulto Open, 17 aña pariba, flie

di tamaño maximo di 250 x 300 cm. Maximo di 21 flie den e categoria aki.

Dianan di Inscripcion ta Diahuebs 24 April, Diabierna 25 April, y Diasabra 28 April, di 5:00 p.m. te cu 7:00 p.m. Tambe tin Diadomingo 27 April di 11:00 a.m. te cu 2:00 p.m. na Veld di Jong Aruba na Boegoeroei, den e area pariba di Misa di Noord. Pa e Fliean di Categoria 1 te Categoria 4, tur flie mester ta traha di palo, y mas original posible. E flie mester ta geplak cu papelnan colorido di Flie, aunke papelnan tipo cellophane tambe ta posible. E flie su rabo mester ta di Panja of Clechi di Cama, nada otro. Nada di rabo di plastico of saco di sushi.

Pa e Fliean grandi di Categoria 5, esta di 2.50 meter pa 3.00 meter, esakinan si tin excepcion cu e Flie por ta traha di Palo of di Aluminium. Pero pa ningun Flie ta acepta pintura di AIRBRUSH. E flie por ta geplak di Lona, Plastic of Papel di Flie. Solamente bo mag di pinta riba e Flie cu penseel of cu kwashi, of cu markernan, of cu papelnan creativo.

E rabo mester ta di PANJA, no ta acepta ningun rabo di plastico of manera saco di sushi mara na otro. Lo bay tin cantidad di premio atractivo, manera Pasashi, DVD Player, Camera, etc.

## Jong Aruba Kite Slam 2008

**Diabierna, 2 Mei 2008**  
**10:00 am — 4:00 pm**

Hopi premio mes!	Hunga hopi wega pret!	Dushi cuminda sirbi
------------------	-----------------------	---------------------

Participanten mester cumpli cu tur reglamento pa e Competencia di Flie. Pa regla y reglamento aki, manda e-mail na: [bulafie@gmail.com](mailto:bulafie@gmail.com)

**• Inscripcion: 5 Florin •**  
Inscribi dianan 24, 25, y 26 di April 2008 di 5 pa 7 p.m.  
Tambe 27 April di 11 am pa 2 pm na veld Jong Aruba na Boegoeroei, net banda di "Brug di Madushi"

- **CATEGORIA -1-**  
Mucha 4 te 8 aña, flie maximo 30 x 50 cm.
- **CATEGORIA -2-**  
Mucha 9 pa 12 aña, flie maximo 75 x 100 cm.
- **CATEGORIA -3-**  
Hoben 13 pa 16 aña, flie maximo 125 x 150 cm.
- **CATEGORIA -4-**  
Adulto 17 aña pariba, flie maximo 175 x 200 cm.
- **CATEGORIA -5-**  
Adulto 17 aña pariba, flie maximo 250 x 300 cm.

Tur fondo recauda ta bay pa Jong Aruba Division Lifida





# *Dive for Earth Day* **BEACH CLEANUP**

**Help Aruba**  
conserve & preserve  
the aquatic  
environment and  
its resources

**Saturday  
26 April 2008**

8:00am-12:00pm

Meeting point:  
Alto Vista Chapel

**FREE T-shirt and  
Snorkel Sail afterwards  
with participation**

**Sign up now!  
Call 586-1603**

**red sail sports®**  
ARUBA

Cu talento di number uno

## **Roger Federer, Rafael Nadal y David Nalbandian ta avansa pa siguiente round**

E suizo Roger Federer, number uno di e ranking di ATP, a avansa pa octavo final di Masters Series di Montecarlo, cu ta duna 2.270.000 euro, despues di hunga un tremendo wega contra di e spaño Ruben Ramirez Hidalgo, di cual el a gana cu score di 6-1, 3-6 y 7-6 (7-1). Ademá, e argentino David Nalbandian di siete preclasificado, a gana e belgo Olivier Rochus pa 6-4 y 6-3 y ta avansa tambe pa e siguiente round, loke no por a logra su compatriota Juan Monaco, cu a keda elimina na perde cu score di 6-2 y 3-0. Y bbandona pa lesion contra e spaño Nicolas Pietrangeli.

Pa su parti, e spaño Rafael Nadal, segundo favorito a gana sin problema e croata Mario Ancic pa 6-0 y 6-3 y tambe ta avansa.

Federer a perde pa 5-1 den e tercer set contra

e spaño Ramirez Hidalgo, cu tabata tin tur cos na su favor, pero a sufri un susto porta, acaso intimidado pa e enorme figura di e suizo y a caba perdiendo na dos ora y tres minuut.






# ATTA a tene un ranking pa e luna di april

**DIAMARS** cu a pasa ATTA tabatatin su ranking A-klas y B-klas di luna di April  
A-klas ta purba di mantene e cantidad di hungador na 8. B-klas tin hopi mas hungador cu ta lucha pa drenta den A-klas. E biaha aki tabatatin 9 den A-klas. Den A-klas 3 hungador a baha pa B-klas y den B-klas 2 a subi pa A-klas.  
Den B-klas tabata tin 5 grupo di cada un 5 hugador. Despues di bataya fuerte e lider di cada grupo a pasa pa e final pa asina hunga contra otro

pa defini e posicionan. Hungador nan di B-klas cu a subi pa A-klas ta Mario Croes y R. Ras.  
Den A-klas tabata un bataya di 9 hungador cu den e ultimo encuentronan tabata un bataya fuerte entre Mario Lobo, Remy de Lange y Andy Gomes.  
E hungadornan cu a baha di A-klas pa B-klas ta Alfred Leong, Buchi Kelly y Sandy Ras.  
E directiva di ATTA ta manda un palabra di pa-bien pa tur e ganadornan y tur e participantenan di e weganan di ranking di April.



**AWE**Mainta****  
*e corant di Toko*  
**Tel: 583-1400 Fax: 583-1444**



**THE CINEMAS**

**NEW RELEASES**





**THE CINEMAS AT RENAISSANCE**

**STREET KINGS (R)**  
daily: 4:30 6:50 9:05  
matinee: 11:50 2:10 late-show: 11:20

**MEET THE BROWNS (PG-13)**  
daily: 4:00 6:05 8:10 10:15  
matinee: 11:50 1:55 late-show: 12:20

**HORTON HEARS A WHO! (PG)**  
matinee: 12:00 2:00

**21 (PG-13)**  
daily: 4:00 6:30 9:00 late-show: 11:40

**ALVIN & THE CHIPMUNKS (PG)**  
matinee: 12:05 2:05 (Avg 5.00)

**VANTAGE POINT (PG-13)**  
daily: 4:10 6:15 8:15 10:10 late-show: 12:05

**WELCOME HOME ROSCOE JENKINS (PG-13)**  
daily: 4:50 7:10 9:35  
matinee: 12:00 2:20 late-show: 12:00

**THE RUINS (R)**  
daily: 4:20 6:20 8:20 10:20  
matinee: 12:10 2:15 late-show: 12:30

**Matinee: Sat & Sun / Late-show: Fri & Sat**

**THE CINEMAS AT PASEO**

**WELCOME HOME ROSCOE JENKINS (PG-13)**  
daily: 5:10 7:30 10:00  
matinee: 12:20 2:45 late-show: 12:15

**HORTON HEARS A WHO! (PG)**  
matinee: 12:15 2:15

**VANTAGE POINT (PG-13)**  
daily: 4:15 6:15 8:15 10:10 late-show: 12:05

**SHUTTER (PG-13)**  
daily: 4:45 6:40 8:35 10:30  
matinee: 12:55 2:50 late-show: 12:25

**DRILLBIT TAYLOR (PG-13)**  
daily: 4:00 6:10 8:10 10:20  
matinee: 11:50 2:00 late-show: 12:20

**STREET KINGS (R)**  
daily: 5:05 7:20 9:40  
matinee: 12:30 2:50 late-show: 12:00

**COLLEGE ROAD TRIP (G)**  
daily: 4:30 6:30 8:20 10:25  
matinee: 12:40 2:40 late-show: 12:10

**Matinee: Sat & Sun / Late-show: Fri & Sat**

**DRIVE IN THEATRE**

**10,000 BC (PG-13)**  
Thursday: 8:00  
Friday: 8:00 & 10:30

**STEP UP TO THE STREETS (PG-13)**  
Saturday: 8:00 & 10:30  
Sunday: 8:00

**CAR CRASH FROM WEDNESDAY TO SUNDAY**



## Prome Santa Comunion di Gilaine Koolman



**RECIENTEMENTE** Gilaine Nicole Koolman a ricibi su Prome Santa Comunion na Misa Inmaculada Concepcion na Santa Cruz conhuntamente cu su amiga y amigonan di Cacique Macuarima School.

Despues di Misa a sigui un cena familiar na unda cu tur hende a disfruta di tremendo platonan crioyo na Peanuts Restaurant. Gilaine ta haya pabien ainda di su mama Mariela, tata Gilbert, ruman Gilmer, welanan Christina y Astrid, welonan Robert y Mando, omo y tanta-, primanan, madrina, padrino y demas famia. Cu Papa Dios bendicione ricamente.

## ATA ta continua cu esfuerzo pa educa y conscientisa studiantenan riba importancia di turismo



A duna presentacion y seminario di Aruba Certified Expert n'e studiantenan di EPI "Sector Hospitalidad y Turismo"

Recientemente Aruba Tourism Authority a duna 3 dia di seminario bastante intenso na 3 grupo di estudiante di EPI Sector Hospitalidad y Turismo. Aruba Tourism Authority tin como un di su meta principal pa enfoca riba studiantenan p'asina conscientiza nan encunto di e importancia cu turismo ta representa pa nos y asegura cu e dia di mañan ora cu nan caba di studia, ya nan ta bon equipa cu tur informacion importante pa duna un mihor servicio na

momento di traha cu nos bishitantenan, especialmente den e caso cu nan wordo sorprendi cu cualkier pregunta encunto di nos isla.

Durante e seminario, e alumnonan a ricibi un presentacion extenso encunto di ATA su funcion den nos comunidad y muy en especial e manera con ATA ta traha pa promove e industria turistico na Aruba y e beneficio nan cu esaki ta trece cune. E di dos parti di e seminario tabata e seminario yama "Aruba Certified Expert" mihor conoci como ACE, na unda cu e alumnonan a ricibi un presentacion encunto di Aruba su posicion

como un destinacion turistico, kico tur e tin pa ofrece y tambe kico t'e diferente mercadonan cu ta importante pa nos isla su turismo y su economia.

Durante e presentacion e alumnonan por a haci pregunta y tuma nota, pero na final di e seminario, tur mester a haci un test pa asegura cu nan a comprende tur cos y asina ricibi nan certificado como un experto den turismo.

ATA kier a tuma e oportunidad aki tambe pa gradici Juffrouw Zahaira Kelly pa su interes y iniciativa pa laga su alumnonan ta parti di e fabuloso proyecto di Aruba Tourism Authority.



# Tips pa e consumidor arubano

E terminonan calentamento global (global warming) y cambio climatico (climate change) ta cubri un gran cantidad di fenomeno natural cu ta impacta nos bida diario den hopi forma.

Aunke miles di cientifico a determina cu si para tur emision na un nivel mundial di gas industrial cu ta dañá e capa di ozono y gas invernadero (greenhouse gases) dañino cu ta causa calentamento global awe mes, e impacto di loke tin den atmosfera caba lo sigui causa daño na e ecosistem-anan global di Planeta Tera pa e siguiente decadanan.

Rainbow Warriors ta bisa cu sinembargo tin hopi forma util den cual e consumidor na Aruba por yuda contribui na e mitigacion (reduccion di impacto negativo) di e causanan di calentamento global y cambio climatico na Aruba y ariba e escala global.

Exigi cu Gobierno di Aruba ratifica y implementa e *United Nations Framework Convention on Climate Change* y e *Kyoto Protocol* y tambe ratifica y implementa tratado y protocolo relevante pa elimina emision di gas industrial cu

ta destrui e capa di ozono. Den un articulo di e edicion di September 2006 di *Chamber News and Views of the Aruba Chamber of Commerce and Industry*, Gisbert Boekhoudt, coordinador pa medio ambiente di Ministerio di Salubridad Publico, Medio Ambiente, Migracion y Asunto Administrativo, ta declara cu “cambio climatico NO ta un prioridad halto riba e agenda local”. Rainbow Warriors International ta kere cu SI!

Como cu e consumidor Arubano ta ciudadano di Reino Holandes alavez, e por pidi Gobierno Hulandes mediante e Vaste Commissie Nederlands-Antilliaanse en Arubaanse Zaken di Tweede Kamer na Holanda pa pone TUR seis isla di Caribe Hulandes ratifica y implementa tratado y protocolo pa elimina emision di gas invernadero y gas industrial cu ta destrui e capa di ozono den cercano futuro.

Ora di cumpra un refrigerador of airco nobo busca tur caminda y purba di cumpra un unidad cu ta usa otro gas refrigerante fuera di Freon (locual ta destrui capa di

ozono). Si bo pacus di preferencia no ta bende esaki, exige cu nan considera trece marca cu ta usa gas refrigerante alternativo.

Pidi e agencia di auto of bo garashi unda bo ta hiba bo auto pa service su airco, unda nan ta laga e botternan bashi di Freon y ki medida preventivo nan ta usa pa limita escape di Freon den aire liber ora nan service bo auto.

Pidi e compania cu ta service bo airco di cas of negoshi unda nan ta laga e botternan bashi di Freon y ki medida nan ta tuma pa limita escape den aire liber di Freon ora nan ta service e airco.

Reduci e consumo di energia den bo cas of negoshi dor di elimina malgastamento di energia electrico dor di paga tur aparato of equipo cu no ta ser usa directamente (TV, radio, computer, airco, equipo di sonido etc.). Usa aparato, equipo y luznan cu ta spar energia (bombiyo y luz di TL cu ta spar coriente etc).

Reduci e uso di vehiculo cu ta core riba combustible fosil (gasoline, diesel, gas), manera auto, brommer, scooter, pero tambe vehiculo pa recreacion

riba tera manera quad racer y buggy y riba laman manera yate, boto di motor y wave runner. Unda ta posibel haci uso di carpooling cu colega di trabao of bisia. Unda ta posibel cumpra vehiculo cu ta core ariba combustible alternativo of ta utiliza tecnologia hibrido.

Exigi cu e Gobierno di Aruba habi e mercado di energia pa permiti usuario residencial y comercial pa utiliza tecnologia di energia renovabel manera energia solar fotovoltaico, energia di biento etc. E mercado di energia actual ta beneficia solamente e planta productor y compania di distribucion di energia electrico, e accionista di e dos compania aki cu ta malgasta placa, esta Gobierno y tur e banconan cu ta financia e utilizacion di tecnologia anticua basa riba combustible fosil pa genera energia electrico na Aruba! Yuda para e proliferacion di proyecto di real estate comercial inecesario, manera supermercado, centronan comercial y proyecto di condominium cu ta dirigi riba stranhero rico. Tur esakinan ta contribui na rozamento

na un gran escala locual ta contribui directamente na calentamento global.

Exigi cu e Gobierno di Aruba introduci un sistema di transporte publico (energeticamente) eficiente den cual compania di transporte publico Arubus banda di medio di transporte mas chikito (T-, O-, B- y TX) alivia e congestion di trafico riba nos isla y malgastamento di combustible dor di cubri mas di e teritorio di Aruba, tanto den ampliacion di e cantidad y frecuencia di ruta disponibel den transporte publico disponibel y cu tarifa husto.

Y como ultimo bisa NO na e planta proponi di ethanol na Aruba! E planta aki lo contribui na deforestacion, eliminacion di area grandi di tera agricultural destina pa produccion di producto pa humano y animal dor di planta caña cual ta consumi hopi awa dushi, kita tera for di agricultor chikito local y lo peor di tur no ta contribui na mehora e eficiencia energetico (fuel efficiency) di vehiculo di transporte manera auto di e consumidornan den pais rico na Europa y Merca.

Monica Kock na Booshi Wever

## Como abogado mi sa e dolornan di pueblo y pesey mi ta lucha

**PARLAMENTARIO** di MPA, Monica Kock, durante conferencia di prensa a reacciona riba un articulo di Minister Wever den corant concerni e problema di adictonan. Den e articulo aki Minister Wever ta reacciona riba un articulo di Kock cu ta bisa cu tin solucion pa e adictonan aki y ta ripiti kico esakinan ta.

Segun Minister Wever den su articulo, Monica Kock ta djis papia riba e topico aki pasobra el lo por gana placa cu esaki. “Lastima cu Minister Wever mester reacciona asina pa defende su mes pa no a usa

e ley di curatela pa 10 aña cu e mes a vota pe pa soluciona e problema di adictonan ambulante”.

Riba e ponencia di Minister Wever, lider di MPA ta bisa cu personanan cu ta bay busca ayudo na su bufete di abogado ta pasobra nan tin e confianza cu e bufete lo yudanan pa soluciona nan problema doloroso, cu ningun hende ta obliganan pa bai na su bufete.

Mas aleu Kock ta bisa cu door di e trabou di abogado e ta privilegia, pasobra e por a wak precisamente kico e problema ta den pueblo, ta haya sa kico



e dolor y sufrimento ta. Especialmente cu e problema di adiccion e famianan tin

hopi dolor pasobra ta busca tur sorto di manera pa haya solucion pa nan ser keri y no tur biaha esey ta e caso. Na Aruba no tin suficiente lugar pa nan por hiba nan ser keri. Mirando e situacion aki, segun Monica Kock, como abogado e ta haya e oportunidad pa haya sa precisamente e dolor ta di e pueblo, pasobra ora nan ta den su oficina ta esey ta loke nan ta conta y na unda e como abogado mester soluciona e problema ey pa nan. Ta hustamente door di esaki, e ta busca solucion y ta keda ripiti si ta mira posibel solucionnan

cu no ta wordo usa. Ta precisamente door di e dolornan cu e ta wak den su oficina Kock a dicidi di bay den politica, e kier trese cambio y solucion pa e problemanan aki. E ta bisa cu el lo sigui bringa y keda ripiti solucionnan cu tey pa por trese alivio pa e sufrimento di e hendenan aki. “Mi por a keda na mi oficina, sigui eherce e trabou lucrativo cu mi tin, pero mi no a haci esey, mi a dicidi di bay den politica pa trese e solucionnan mas grandi pa pueblo”, Monica Kock a finaliza bisando.



La Cabana Beach & Racquet Club a divulga

# Proyecto di renovación di \$25 Millon



**DURANTE** e promé siman di Mei 2008 La Cabana Beach & Racquet Club lo cuminsa cu un proyecto ambicioso pa renoba su kambanan cual lo tin un duración di 3 aña. Den pasado e Resort a yega di haci reparacionnan grandi, manera renovación di e piscina principal, dak, toren di refrigeración y cambio di muebles. Sin embargo después di 17 aña di existencia a yega ora pa un renovación masivo, di muraya pa muraya, di vloer pa dak. E renovación sigur lo trece retonan pa e operación di e Resort, pero nan ta conta cu un equipo di asociadonan excelente cu lo haci tur nan best pa cada miembro/turista disfruta di nan estadia for di principio te fin.

Entre tur e plannan excitante a nace un grupo di asociadonan, P.I.P.A. (People in Positive Action) cu iniciativa pa dirigi nan esfuersonan pa tene otro asociadonan bon informa di tur loke ta bai tuma luga den e siguiente tres añanan di renovación y na mes momento pa brinda apoyo un na otro. Esaki sin kita e responsabilidad di ger-

ente di cada departamento. Di e forma aki nan kier contribui na un miho comprendemento di e magnitud di e trabou y sigura cu tur ta keda enfoca riba nan responsabilidanan adicional. Consequentemente P.I.P.A. a organisa un exhibición di informacion durante dos dia (21 y 22 di April 2008) den Sala di Conferencia di BRC unda tur asociadonan por haya informacion en cuanto e renovación di nan Resort y nan tin e oportunidad pa haci pregunta tambe. P.I.P.A. a invita tambe tur establecimiento den e Resort pa bishita e exhibición y keda bon informa.

E informacion exponi ta duna un bista con a cuminsa cu e plan di renovación, e diferente forma pa comunica y keda den contacto cu e miembronan di BRC, con e Directiva a haya e aprobación di e miembronan pa sigui cu e proyecto, plan di 12 fase pa será bloknan di kamber pa renovación, e rol di e departamento di Reservacion, di Contabilidad, Seguridad, e contratista general Konstruktiva y portret di unidadnan



modelo.

Tanto gerencia, directiva, miembro y asociadonan ta hopi emociona cu e próximo etapa den bida di nan Resort La Cabana Beach & Racquet Club. Na final e Resort situa dilanti e mihó beach na Aruba, Eagle Beach, nan orguyo y cu nan ta yama nan "hogar" lo ta flamante cu kambanan considerablemente modernisa.





## Un Dia den Bida

cu Poentje Castro

Awenochi • Repetición tur Diadomingo pa 5'or atardi.

### Art Blajos ... Ex acesino y ex adicto.

### A bai cera 17 anja.

Cel.: 592 2362 E-mail: undiadenbida@setarnet.aw







# “E streanan di kwartaal” De Palm Tours ta honra excelencia di empleadonan Durante prome kwartaal di 2008



**RICARDO** Malmberg, Director di e Hunta Directiva di De Palm Tours, a tuma un tempo for di su agenda preta pa rindi tributo na e personal merecedor durante nan celebracion di kwartaal, diabierna atardi ultimo, dia 19 di April.

Den representacion di famia Malmberg, propietarionan di De Palm Tours, el a uni na gerente di varios departamento den elogia e empleadonan cu a duna añanan di lealtad y servicio supremo na e compania, otronan cu a tuma e tempo y haci e esfuerzo pa aumenta y mehora nan capacidad di trabou dor di entrenamiento special, y empleadonan special cu a demostra cu por bay ‘mas leu’ cu nan descripcion di trabou pa sigura cu turistanan di Aruba a recupera cartera of tasnan perdi.

E celebracion a inicia cu plakaat y tributo na seis empleado celebrando aniversario nan special cu De Palm Tours. Elaine Carti, recepcionista, hunto cu Rita Roberts y Gertie Berkel, representantenan di benta, ta empleado di De Palm ya pa cinco aña, y Barbara Mitchell, supervisor di e representantenan di benta, a elogia nan prestacion na trabou y a describi Rita como su “fundeshi na e punto di benta na Paradise Villas.”

Mescos cu e tres hende muher aki, Dean Gumbs a keda pre-

mia cu un plakaat pa su diez aña cu e compania, dlanan adicional di vakantie y un bon bonus den efectivo.

Ricky Malmberg personalmente a elogia Esmeralda Croes y Vivian Heyliger, kende ambos ta empleadonan dedica ya pa trinta aña. Vivian ainda ta trahando na e puntonan di benta, y ta e persona na kende De Palm ta manda tur su personal nobo di benta pa haya entrenamiento. Esmeralda, den transcurso di añanan, a demostra su mes di ta un “Master-di tur-Responsibilidad” den varios posicion cu De Palm, “dedicando su mes na trabou 24/7,” Ricky ta comenta. Fuera di un plakaat, ambos dama a ricibi cada un seis dia adicional di vakantie pa aña y un bonus substancial den efectivo como premio pa nan debocion continuo na excelencia.

Adicionalmente a ricibi reconocimiento pa nan habilidad den sigura cu e vakantie di e bishitantenan di e isla no lo wordo stroba pa pertenencianan importante laga atras den nan tienda, of riba nan bus, tabata Minoeska Howard di De Palm’s su tienda “Coconuts,” chofer di bus Franje Quant y Gregory Maduro, y empleado di Departamento di Mantencion, Ricardo Illis. Nan supervisornan, Giovanni Raghunath di bus tours, y

Cesar Luque di mantencion, a elogia su trahadornan pa no solamente cumpli, pero surpasa e expectativanan como empleadonan di De Palm Tours.

Certificado a keda entregador di a completa nan entrenamiento di Prome Auxilio for di Cruz Cora, na Annie Leest, Maria Eugenia Peña y Alice Noguera, y certificadonan di Willy’s Pool Service a keda duna na Eduardo Diaz, Carlos Cabrera, Shannon Medina, y Errol Mitchell pa a completa un curso relacion cu mantencion di pool, necesario pa sigura un ambiente saludable y limpi pa e Blue Parrott Waterpark riba De Palm Island.

Finalmente, Edselyn Figaroa di Transient Sales Department y Rosanna Herrera-Chayadi di Coconuts a keda honra como “Shining Stars of the Quarter,” cu ta ser gana pa bentanan superior, presencia y cooperacion, y hunto cune e elogia di Sales Operations Manager Peggy Gomez.

De Palm Tours ta hopi orguyoso di su empleadonan, cu ta haci di su personal “E Mihor Ekipo na Aruba,” y gerencia cu placer ta premia nan pa excelencia di trabou, y en particular, ta duna nan e reconocimiento cu nan merece. Pabien na e Streynan Briyante di De Palm Tours pa e Prome Kwartaal di 2008!



**Mementomori Funeral Home N.V.**

Yolanda - Leo - Eugene  
Tel: 5833358 - Fax: 5837711

“Laga tur locual, cu ta sperami ta bunita,  
Laga tur locual, cu mi encontra na caminda ta bunita,  
Laga tur locual, cu ta rondonami ta bunita  
Laga tur locual mi ta laga’t tras keda bunita  
y laga esakinan termina den tur bunita.”

Cado Wever

Cu honda pena pero conforme cu boluntad di Dios, nos ta anuncia fayecimento cristian di:

sra.vda. Viola Nicolasa

La Rosa-Trinidad

mihor conoci como: “Mamai” of “Mayo”  
na edad di 72 aña

Na nomber di su:

**yiunan:** sra.vda. Calista Geerman-La Rosa  
Jossy y Frida La Rosa-Farro  
Glenn y Luisa La Rosa-Mendoza Allen  
Joyce La Rosa  
Jeffrey y Xiomara La Rosa-Maduro  
Judella y Anthony “Nino, Tony” Tromp-La Rosa

**nietonan:** Joseany y Marcel Illes-Geerman  
Adeline y Randy Trimon-Geerman  
Andre y Melissa Geerman-Lacle  
Jearitza Geerman  
Joell La Rosa y Angeline  
Jacqueline La Rosa y Armand Figaroa  
Jose Antonio Illidge  
Jo-Anne Illidge  
Thais La Rosa  
Xai-Lynne La Rosa  
Jose La Rosa  
Dyanne Tromp  
Arlene Tromp  
Jo-Sanne Tromp  
Vivienne Tromp

**bisanietonan:** Austin, Justin Illes  
Abigail, Randerly Trimon  
Isaac, Isalys, Isaquienne Geerman  
Janerick La Rosa

**rumannan:** Ramiro y Gia Trinidad-Everduim y famia na Hulanda  
Marina Trinidad y famia  
Carmen y Ernie Richardson y famia  
Felipe Trinidad y famia  
Carlos Trinidad na Hulanda

**swa y cuñanan:** sra.vda. Virginia Steward y famia na Curaçao  
Maria Winterdal y famia  
Gloria Milano y famia  
Efraim Milano y famia  
Erick Tromp y famia

**ex-suegro:** Antonio “Tony” Illidge

**bon amigonan y bisiñanan:** Aida Matos y famia  
Marlin Thielman y famia  
Phill Ras y famia  
Mirna Illes y famia  
Irena Tromp  
Fanchi Kock  
Jeanette Jimenez  
Danique Kelly y famia  
Marcel Gomez y famia

sobrinu y sobrinanan, primo y primanan, comer y compernan, ihanan  
**famia:** La Rosa, Trinidad, Tromp, Geerman, Farro, Mendoza, Allen, Maduro, Illes, Trimon, Lacle, Illidge, Figaroa, Richardson, Arrindell, Zuca, Everduim, Huisman, Peitit, Helder, Cecilia, Wanga, Janga, Tujehut, Aparicio, Hermans, Carisal, Steward, Winterdal, Milano, Soliano,

Pourrier, Zievinger y demas famia na Aruba, Bonaire, Curaçao, Costa Rica, Hulanda y Venezuela ta invita tur amigo, bisiña y conoci pa asisti na e acto di entierro cual ta tuma lugar diabierna 25 di april 2008 pa 4’or di atardi saliendo for di Misa Santa Anna pa santana catolico na Noord. E resto mortal lo ta reposa for di 2’or di atardi den Misa Santa Anna na Noord.

**Adres pa condolencia:** Bubali 96-B  
di 7’or pa 9’or di anochi

Nos kier a pidi nos disculpa si nos por a lubida un of otro famia den nos tristeza






## Polis ta intermedia den problema entre pareha turista

**STRAND-POLITIE** ta bai diamars madrugada na un high-rise hotel, pa un problema entre un pareha Mericano cu a bai for di man. N'e lugar polis ta papia cu e homber A.C. di 31 aña, kende ta bisa polis cu el a bai cu su amiga na un nightclub pa nan baila. A.C. ta bisa polis cu durante cu nan tabata n'e fiesta, su amiga H.B. di 30 aña, a dicidi di bai baila cu un homber cu e no conoce. Esaki a trece un problema y discusion. Mesora nan a bai bek nan hotel, y einan nan a sigui cu e discusion cu a termina den un pelea. Durante e bringamento, algun cos den e kamber di e hotel a wordo kibra. H.B. a bisa polis cu e ta bai drumi den otro kamber, mientras cu A.C. lo paga locual a wordo kibra.

**AWE Mainta**  
 noticia@awemainta.com  
**Tel: 583-1400**  
**Fax: 583-1444**



**AD PATRES**  
 funeral home

van Rensselaerstraat 2  
 San Nicolas - Aruba  
 E-mail: adpatres@setarnet.aw

Tel.: (294) 584-2299  
 584-8413  
 Fax: (297) 584-2266

Señor ta mi wardador  
 mi'n tin falta di nada  
 den cunucu di jerba berde  
 E ta ponemi sosega  
 E ta hibami na awanan trankil  
 pa mi bolbe haña forsa. Psalm 23:1,2,3.

Cu honda pena pero conforme cu boluntad di Dios, y agradecido pa tur locual ela nifica y hasi pa nos, nos ta anuncia fayecimento di:



**Benita Ferreira**  
 Mihor conoci como: "Angela"

**Na number di su yiu:** Milagro Lopez  
 Ariecki Soriano

**Rumanan:** Cornelio Ferreira mihor conoci como Maria Anurla Ferreira


**Sobrinonan:** Luis Alberto Sanche Ferreira  
 Eddy Ferreira  
 Brandon Ferreira  
 Thalissa Ferreira  
 Yeida Sanche

**Demas famia:** Ricardo, Gumbs mihor conoci como Buche

**Amiganan:** Olga, Raquel, Renee, Bujie, Gumbs, Marien, Carmelo Paisa y famia, Cabinda, Victor, Puntia.

Nos ta pidi nos desculpa si den nos tristesa nos por a lubida un famia of otro

Ta invita tur amiga, bisña y conocirnan pa asisti na acto di entiero cual lo tuma lugar


**AD PATRES**  
 funeral home


van Rensselaerstraat 2  
 San Nicolas - Aruba  
 E-mail: adpatres@setarnet.aw

Tel.: (294) 584-2299  
 584-8413  
 Fax: (297) 584-2266

"Señor ta mi wardador  
 mi'n tin falta di nada  
 den cunucu di jerba berde  
 E ta ponemi sosega  
 E ta hibami na awanan trankil  
 pa mi bolbe haña forsa". Psalm 23:1,2,3.

Cu profundo tristesa na nos curazon, pero agradecido pa locual e a nifica pa nos y conforme cu Dios su boluntad nos ta participa fayecimento di nos tata, welo bisawelo, ruman, suegro, y swa:

**Fernando Rafael**  
**Angela**  
 \*09/12/1926 + 21/04/2008



**Na number di su esposa:** Sra. Clotilda Angela (Sira)

**Su yiunan:** Robby y Swinda  
 Angela y yiunan  
 Lucia y Betto  
 Werleman y yiunan  
 Roland y Helena Angela y yiunan  
 Mito y Melania Angela y yiu  
 Nico y Rosa Angela y yiu  
 Elvia y Armin Maduro y yiunan  
 Rosindo y Eli Angela y compañero y yiunan  
 Mayra y Francisco Bermudes y yiunan na Hulanda  
 Lino Angela (Price Smart )  
 Agnes Angela y compañero y yiu  
 Mary Angela y yiunan

**Rumanan:** Sra. Nena Koolman y famia  
 Sra. Nida Angela y famia  
 Sra. Anhela Angela y famia  
 Sra. Jacintha Angela y famia

**Cuñanan:** Greta Rodriguez y yiunan  
 Mena y Swa Bislip y famia

**Swanana:** Betto Rodriguez y yiunan  
 Juan y Carin Rodriguez y famia  
 Shontin y Aida Rodriguez y famia  
 Doe y Chinda Rodriguez y famia

Nieto y nietanan, bisanietanan, sobrino y sobrinanan, ihanan, comer y compernan, su sobrino mas serca Camilio Geerman y demas famia na Aruba y Hulanda, primo y primanan na Aruba y Hulanda.

**Demas famianan:** Angela, Rodriguez, Geerman, Koolman, Werleman, Statius, Heyer, Kock, Montsanto, Maduro, Bermudes, Kelly, Ruiz, Vermeer, Bislip, Nadall, Vasquez, Dolores, Babijn, Everon, Semerel, Zoet, Boekhoudt, Tromp, Lampe, Hernandez, Catalina

Nos ta pidi nos desculpa si den nos momentonan di tristesa nos por a lubida un famia of otro.

**Ta invita tur famia, amigo, bisña y conocirnan pa asisti na acto di entiero cual lo tuma lugar Diasabra 26 di April pa 4'or di atardi na Misa Imaculada Concepcion na Santa Cruz y despues saliendo pa santana Catolico na Santa Cruz.**

E resto mortal lo ta reposa for di 12'or di merdia na cas Macuarima 149B, y despues pa 2'or di atardi lo e ta reposa na Misa Imaculada Concepcion na Santa Cruz.

**Adres pa condolencia:** Macuarima 146B  
 Diaranson 23, Diahuebs 24 y Diabierna 25 di April, 2008  
 Di: 7'or pa 9'or di anochi

Nos ta lamenta cu despues di entiero no por ricibi bishita di condolencia na cas.



The Media Group  
 Cas editora di AWEMainta



Ta cumpli cu e triste deber di anuncia fayecimento di



**Hilario Jacobito Krozendijk**  
 Mihor conoci como Bito

Swa di nos colaboradora: Rory Arends

Na famianan di e difunto ta bai nos mas sincero  
 condolencia

Gerencia y personal di AWEMainta



# Ladron ta drenta cas cu habitante den dje

**POLIS** di Oranjestad ta haya informacion diamars mainta pa 10 or, cu den un cas na Wayaca lo tin un ladron. Un patruya di San Nicolas cu tambe tabata den becindario, tambe a bai n’e cas.

Ora cu nan a yega nan ta haya e habitante na cas di bisiña. Polis a ta bai papia cune, y e ta bisa polis cu e tabata riba computer den comedor y a tende un desorden den kamber. Ora cu el a bai mira kico a cai, el a topa cu un homber den e kamber. El a core bai na cas di bisiña pa busca ayudo. Ora cu polis a bai controla a resulta cu nan a kibra e bentana di kamber pa drenta paden. Te caminda cu nan a controla e homber no a logra horta nada.

Sistema nobo pa regla cuenta

# Bula for di auto y bati bo enemigo

**POLIS** ta haya informacion di un caso di maltrato diamars anochi pa 9.30 na un supermercado na Mahuma. Polis ta bai n’e negoshi y ta topa cu e mucha homber B.R. di 24 aña, kende ta bisa polis cu e tabata para ta combersa cu un amigo di dje, y di ripiente un Toyota Starlet shinishi a para nan dilanti.

Un grupo di mucha homber a baha y dos a bin riba dje y a maltrate den su cara. E ta bisa cu nan a menasa tanto e como su amigo. E ta bisa polis cu e tabatin problema cu un di e mucha hombernan den e grupo, cu ta andando pa un tempo caba.

Polis a bise p’e bai duna keho na Recherche.



**AD PATRES**  
 funeral home

van Rensselaerstraat 2  
 San Nicolas - Aruba  
 E-mail: adpatres@setarnet.aw


Tel.: (294) 584-2299  
 584-8413  
 Fax: (297) 584-2266


**Aurora**  
 Funeral Home

Cumana 76  
 Oranjestad, Aruba  
 Tel: 588-6699  
 Fax: 588-6698  
 Cel : 593-0857 / 560-1403


**Mementomori Funeral Home N.V.**  
 Yolanda - Leo - Eugene  
 Tel: 5833358 - Fax: 5837711




**AD PATRES**  
 funeral home

van Rensselaerstraat 2  
 San Nicolas - Aruba  
 E-mail: adpatres@setarnet.aw

Tel.: (294) 584-2299  
 584-8413  
 Fax: (297) 584-2266





# Ladron haya den auto horta

**POLIS** ta bai diamars mainta pa 7.80 den un caya na Ponton, unda a señala un auto cu a wordo horta, y pa colmo e ladron tabata den e auto. Polis a bai cu masha urgencia n'e lugar indica y ta topa cu auto Ford A-25142.

Den e auto nan a haya e conocido ladron E. Torbed, naci na Corsow di 39 aña. E no por a bisa polis ta kende t'e persona cu a preste e auto.

Mirando esei, polis a detene y a hiba e auto warda. E tabata basta bao di influencia di alcohol. El a keda sera pa mas investigacion.



## B&P/ INTERFACE ARUBA N.V. TRAINING AND CONSULTANCY

We are pleased to announce our training schedule for the month of April and May 2008. We can also provide these trainings as, customized In-Company training.

- **Administrative Assistant** (Starting April 28)
- **Magazijn Nivel 1** (Starting May. 6)
- **Supervisory Skills** (Starting May 19)
- **The Power of Marketing** (Starting May 14)
- **Practical Management** (Starting May 19)
- **Human Resource Management** (Starting May 21)
- **Leadership in Business** (Starting June 5)



For additional information and registration please contact us at  
Telephone **594-5533 / 587-7850** or Fax number **587-6011**.  
Email: [bpinterfaceaua@setarnet.aw](mailto:bpinterfaceaua@setarnet.aw) Web Site: [www.bpinterface.com](http://www.bpinterface.com)

**UPGRADING PEOPLE IS OUR BUSINESS !**



## Mementomori Funeral Home N.V.

Yolanda - Leo - Eugene  
Tel: 5833358 - Fax: 5837711

" Bin cerca mi tur cu ta cansa y carga,  
y lo mi duna boso sosiego. "

Mateo 11:28

Cu inmenso tristeza na nos curazon, nos ta participa fayecimento na Valencia, Venezuela di nos wela y bisawela stima:

### Libia Ruperta Flanegin-Willems

mihor conoci como: "Libia"  
27 maart 1938 - 10 april 2008

Na number di su:

nietonan:

Jean Pierre Thiel  
Andri y Jasmil Thiel-  
Maduro  
Jariska y Rembert Maduro-  
Albert  
Joanne y Anthony Maduro-Thiel  
Jarien Thiel, Jerry Thiely Jeremy Thiel  
Jean Cal Thiel, Syanne Thiel, Susane Thiel  
Jean Liui Thiel, Jeandra Thiel, Edward Thiel  
Edmar Thiel, Eduardo Thiel, Xerxes Flanegin  
Joshua Flanegin, Rosenelly Flanegin, Brandon  
Flanegin  
Jean Pall, Jandy, Jamila, Servane, Sergio, Albert,  
Asher.



Acto di entierio lo wordo anuncia despues.

Usa bo placa concientemente cada dia



**Abona y ricibi bo  
corant preferi te  
na porta di bo  
cas tur mainta**

**Abona yama 583-1400**

## Servicio pa Comunidad

### Telefon di Emergencia

Number di emergencia **911**  
Polis **100**  
Brandweer **582-1108**  
Ambulance O'stad **582-1234**  
Ambulance S.N. **584-5050**  
Hospital **587-4300**  
Centro Medico **584- 8833**

### Botica na Warda

Pabou di Brug: Del Pueblo  
Pariba di Brug: San Lucas

### Dokter na Warda

Pabou di Brug: S. Sneek  
Pariba di Brug: J. Tromp-Geerman

### Otro Servicionan

Setar Info **118**  
Digicel Info **145**  
Setar **582-5151**  
Elmar **582-3700**  
WEB **525-4600**  
Serlimar **584-6456**  
Rode Kruis Aruba **582-2219**  
FADA **583-2999**  
AA/NA helpline **583-8989**  
Fund. Abuso Sexual **582-4433**  
Fundacion Guia'mi **587-1677**  
Fund.Muher  
den Dificultad **583-5400**  
Fund.Tel. Pa Hubentud **131**  
**588-6138**  
Accion Rescate **584-2718**  
Centro Kibrahacha **588-3131**

### Polis

Polis Tipline **11141**  
Oranjestad. **582-4000**  
San Nicolas **584-5000**  
Savaneta **584-7000**  
Santa Cruz **585-4710**  
Noord **587-0009**  
Strandpolitie **586-3003**  
Balashi **585-2500**  
Aeropuerto **582-4800**  
Aruba Transfer Tour & Taxi  
**583-2856**  
**582-2116**  
Best Taxi Services **588-3232**  
Coop. Ver. Tas **587-5900**  
ATS **583-5361**  
Arugas **585-1198**  
S.O.S. Teleayudo **583-1190**

EDITA PA: The Media Group,

Margrietstraat 3, Oranjestad, Aruba, tel.

(297) 583-1400, fax. (297) 5831444,

E-mail: [mediagroup@setarnet.aw](mailto:mediagroup@setarnet.aw).

CUENTA DI BANCO: C.M.B. #229-

82600. BENTA LOS Afl 1.50.

ABONEMENT Afl.35,00 pa luna.

ORA DI OFICINA: Dialuna pa Diabierna

8 a.m. - 5 p.m.

IMPRESA: Imprenta Nacional Arubano.

DIRECTOR: Victor iTokoi Winklaar &  
Victor R Winklaar.

REDACCION: [noticia@awemainta.com](mailto:noticia@awemainta.com).

BENTA DI AVISO:

[sales@awemainta.com](mailto:sales@awemainta.com)

## Resultado di Loteria

LOTTO CATOCHI

**7109**

**4655**

**9097**

ZODIAC

**8777 Cancer**

BIG FOUR

**5751**

SUPER FOUR

**0235**

LOTTO DI DIA

**06-09-16-21-31**

Letter: L  
Joker: 30

DIARIO

**2298**

**9935**

**6235**

CORSOW

**4373**

**5176**

**0024**



## su | do | ku

© Puzzles by Pappocom

**Instruccionnan di wega** Completa e tabel (cu 9 cuadra) di 81 hoki dividi den 9 rij y 9 colom, yenando e hokinan bashi cu e numerbnan di 1 te 9, sin ripiti ningun cifra den cada rij, ni den cada colom, ni den cada cuadra.

9				1		4		
	1			5		6	9	
5				7				3
2		7		3			1	
			4		2			
	6			1		8		2
3				6				9
	8	2		4			5	
	9		8					7

EASY

# 1

3			6	4				7
		4		5		6		
		7				3		
2	8						1	5
			2		3			
4	9						7	3
		2				8		
		1		7		5		
5			4		6			2

MEDIUM

# 2

9	2	6	3	8	1	7	4	5
7	1	3	2	5	4	6	9	8
5	4	8	9	7	6	1	2	3
2	5	7	6	3	8	9	1	4
8	3	1	4	9	2	5	7	6
4	6	9	5	1	7	8	3	2
3	7	4	1	6	5	2	8	9
6	8	2	7	4	9	3	5	1
1	9	5	8	2	3	4	6	7

3	5	9	6	2	4	1	8	7
8	1	4	3	5	7	6	2	9
6	2	7	1	9	8	3	5	4
2	8	3	7	6	9	4	1	5
1	7	5	2	4	3	9	6	8
4	9	6	5	8	1	2	7	3
7	6	2	9	3	5	8	4	1
9	4	1	8	7	2	5	3	6
5	3	8	4	1	6	7	9	2



# FOCUS RIBA FAMIA

## Mannan amoroso

Man humano – e ta ehecuta funcionnan relaciona cu trabao maraviyosamente. Pero emocionalmente e ta carga tambe gran significacion pa nos. E duim dilanti e dedenan ta facilita garamento y cu e concentracion di nervio den e puntanan di dede pa evalua e textura y e temperastura di mundo, mannan humano ta un maraviya di complexidad practico. Pero man ta mucho mas cu un macinaria bon diseña. Nan tin hopi significacion pa nos pa loque nan ta representa den nos memoria. Mi mama tin mannan femenino y suave. Su toque a transmiti amor pami na un manera comparabel cu nada otro. Loque mi ta corda mas di mi tata di tempo mi tabata chiquito ta e grandura di su mannan. Nan por a ensera diminan completamente y esey a ponemi sinti orguyoso y sigur ora mi cana banda di dje riba caya. Cu e mannan ey e'la siñami con pa pisca, con pa pinta, y con pa verf. Como mayornan e pregunta ta: Con bo yiunan lo corda bo mannan?

Mi ta spera bo ta usanan pa trasmiti calor, seguridad, y proteccion. Of bo por usa nan pa duna confortabilidad, afirmacion y ayudo – pero nunca cu un meta di abusa. Si como mayor bo haci bo trabao corectamente, e ora bo mannan, mescos cu esunnan di mi mama, lo laga un herencia duradero di amor.

## PANADERIA DEL PUEBLO



Guyabastraat 4, Dakota Tel: 582 4748



## Iglesia Famia di Dios ta organisa un Festival di Cuminda

**DIA** 30 di april Iglesia Famia di Dios ta organisa un Festival di Cuminda y bendemento di bolo y cos dushi. Ta bai tin diferente tipo di cuminda bon prepara manera: Galiña stoba, bami, carni stoba, pisca y hopi mas.

Ta bai tin tambe diferente sorto di bolo. Pa hendenan cu gusta vlooiemarkt nos ta bai tin un mini vlooiemarkt cu bendemento di mata, articulonan di cas y hopi mas.

Pesei bin pa contribui pa un bon causa. Lugar: Edificio di F.T.A 2do piso. Net na entrada di San Nicolas Ora: 10or am pa 3or pm diarazon 30 april 2008. Bini uno, bini tur y Dios bendiciona nos dushi Aruba.

## Dor cu e kier placa pa cumpra alcohol, tata ta me- nasa tur hende den cas

Polis ta bai diamars atardi pa 3'or na un cas na Tanki Leendert pa un asistencia. N'e cas polis ta papia cu e señora R.G. di 49 aña, kende ta bisa polis cu su casa J.G. di 66 aña, a bin cas bao di influencia di alcohol y ta buscando problema y menasa henter e famia. E motibo ta cu e kier placa p'e por compra mas alcohol, pero e casa no kier dune. Polis a papia cune, y el a compronde y a calma.

## TIPO DI CAMBIO OFICIAL

Valido pa 24 April 2008

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.74	1.76	1.78
Engelse Pond Sterling	3.47	3.52	3.58
Zwitserse Frank per CHF. 100	176.35	177.07	177.87
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	171.23	172.79	174.53
Euro per XEU. 100	281.33	283.90	286.75



Provision di Devisa 1.3%  
Segun articulo 12 di Afkondigingsblad di Aruba 1991 nr.GT 32.  
Banco Central di Aruba ta defini e tipo di cambio oficial pa e cambianan di placa extranhero.

**BANCO DI CARIBE**  
Nos ta honra Bo confianza

## Horoschoop



**Aries** 21 Mrt - 20 Apr

Bo tin hopi pa bisa awe y bo habilidadnan pa comunicacion ta halto. Unhende lo pone hopi atencion y lo yudabo pone bo plannan den practica.



**Tauro** 21 Apr - 20 Mei

Bao bo aparente calmo tin resentimentonan pa cu un colega. Esey lo motivabo pa ta mas agresivo pa bai dilanti.



**Geminis** 21 Mei - 20 Jun

Bo mester tuma cierto decisionnan financiero importante y bo ta laat pa nan caba. UN hende cu bo conoce a haci cambianan similar y bo mester pidi conseho.



**Cancer** 21 Jun - 20 Jul

Solidaridad ta e secreto di exito pabo awe. Seguridad ta den cifranan. Para firme y pidi otronan pa yudabo de bes en cuando.



**Leo** 21 Jul - 20 Aug

Viahenan y negoshinan ta bai bon hunto, dus planea un viahe pa motibonan profesional. Bo ta na mitad di caminda di exito.



**Virgo** 21 Aug - 20 Sep

Comunicacionnan y corespondencia ta favoreci, pero ta dificil pa haya e informacion cu bo mester. No give up, un hende por haci'e pabo.



**Libra** 21 Sep - 20 Okt

No lubida pa sigura cu e otronan respeta nan compromisonan cubo. Bo por tuma medidanan awe pa forza contratonan y areglonan.



**Scorpio** 21 Okt - 20 Nov

Profesionalmente bo exito ta sigura y bo ta tuma un rumbo importante. Prome cu bo sa, lo bo ta bai tin hende nobo bao bo mando.



**Sagittario** 21 Nov - 20 Dec

Ta honesto, el lo hacibo bon awe. Aunke lo bo kier gaña, lo bo sali gana si bo pone e cartanan riba mesa.



**Capricornio** 21 Dec - 20 Jan

Por tin dificultadnan pa concentra, esey ta natural pasobra e planetanan a distraebo cu nan promesanan di exito profesional cu ta na buelta di skina.



**Aquarius** 21 Jan - 20 Feb

Bo ta moviendo den mundo y ta ora pa bo haci algo pa demostre. Sigura cu bo situacion material ta releha bo sentimentonan interno.



**Piscis** 21 Feb - 20 Mar

Profesionalmente bo ta mucho mas capaz di loke bo ta haci. Ta ora pa bo tuma bo talentonan mas den serio y muestra loke en berdad bo bal.



E Potret di Dia

noticia@awemainta.com



Mumbai, INDIA: Hombenan Indio ta core nan caroshi usa pa transporta azeta na Mumbai. E prijs record di petroleo a tuma un pausa despues di a yega un prijs di casi 120 dollar Mericano pa bari mientras cu preocupacion internacion ta sigui crece y e productornan ta apela pa calma over di e prijsnan haltisimo di energia.

Nos Mundo Loco

Bisiña ta horta cas

Un homber Russo a regresa for di vakantie pa haya henter su cas di 2 piso a wordo horta pa un bisiña.

Yuri Konstantinov di 50 aña for di e region di Astrakhan, a regresa for di un biahe di bishita familia pa haya su cas a ser desmantela bloki pa bloki y tur e contenidonan bendi. Solamente e fundeshi a keda atras.

Polis investigando e ladronia a haya sa cu un bisiña a desmantela e cas y a bende tur cos, incluyendo e blokinan y bentananan, hasta e laba man di csuhina.

Un vocero di polis a bisa: "Un residente local a dicidi di desmantela e cas pida pa pida y e a haci esaki pe e materialnan di construcion."

"Esaki no ta e unico caso asina cu nos a mira, y den areanan remoto e ta ser considera normal pa algun hende pa haci esaki."

Pastor bulador a desaparece

Un pastor cu a lanta vuelo cu cientos di blas yena cu helium a desaparece na Brazil.

Boluntarionan den helicopter y botonan di pisca chikito ta buscando e pastor na e costa di Santa Catarina.

E reverendo Adelir Antonio de Carli a despegar for di Paranagua bisti cu un helm, paña thermal y un parachute. Ela ser raporta perdi 8 ora despues.

E pastor di 41 aña kier a kibra e record di 19 ora pa e periodo mas largo den aire cu blas, pa colecta placa pa un lugar spiritual di descanso pa manehadornan di truck.

Un video di e pastor ta mustre ta smile mientras e ta wordo mara na un stoel cu tabatin columnan grandi di blas cu a lanta vuelo mientras e publico tabata anim'e.

Denise Gallas a bisa cu e pastor a subi na un altura di 20,000 pia pa despues descende te na 8,200 pia pa su vuelo pa e ciudad di Dourados na 465 miya leu.


Pero biontonan a pushe den un otro direccion y e pastor tabata na 30 miya for di e costa ora ela tuma contacto cu autoridadnan pa ultimo biaha.

Tiara Air premia como Aerolinea di Aña na Punto Fijo



UN comunicado oficial recientemente e informa gerencia di Tiara Air cu e Revista Amistad, un publicacion economico cu oficina principal na Punto Fijo, Venezuela, a extende un invitacion pa Tiara Air pa bishita Venezuela y colecta un premio sumamente prestigioso, esta e premio di Aerolinea di Aña. Camilo Muyale, Gerente Comercial di Tiara Air, ta raporta cu e comunidad comercial di Punto Fijo ta agradecido pa e conexon aereo fiho y eficiente entre Aruba, Corsou & Bonaire, permitiendo un fluho regular di actividad economico entre e continente Sur Americano y e islanan. Como un tributo na e prestacion excelente di e aerolinea, un encuesta di lector

a dicidi di premia El Chuchube De Oro, cual ta un top honor na e Peninsula di Paraguana, na Tiara Air. Pabien na Tiara Air na number di prensa, como tambe na number di Jose Antonio Naveda, Presidente di Revista Amistad, y e motor tras di e premionan di El Chuchube De Oro.





Segun Mike de Meza, Parlamentario di partido AVP

## Ora a yega pa e gobierno actual atende cu su propio malgobernacion

Gobernantenan actual no por core pa nan responsabilidad

**YA** ta siete (7) aña consecutivo cu e mesun gobernantenan ta na mando pero keto bai por tuma nota cu e gobierno actual no ta asumi su responsabilidad. E gobierno actual ya pa añanan a trata di goberna dor di crea un cultura di miedo den comunidad y a purba indoctrina cu e falta di loke ta sosede na Aruba semper ta falta di tur otro y no di e gobierno actual. Sin embargo, e problema mayor na Aruba ta cu tin un Gobierno cu no tin un nocion con pa maneha e pais, Mike de Meza Parlamentario di AVP ta duna di conoce. “Imaginabo cu e gobierno actual ya pa 7 aña nunca a pone un maneho planifica riba mesa. E unico maneho cu e gobierno aki a conoce ta uno adhoc sin un vision. Esaki ta trece cune cu e gobierno actual hamas por tin un base real pa soluciona e crisis den finansa publico cu nan mes a crea. Mas tristo ta cu Consejo di Minister actual, consistiendo di 8 minister (incl. esun na Hulanda), conhuntamente tin mas di 125 aña di “experiencia” den politica y

sinembargo e pais aki ta den incertidumbre riba diferente aspecto fundamental”, de Meza ta duna di conoce. Aki e ta menciona cu na Aruba na e momentonan aki tin un “morele verpaupering” enorme y hamas bisto cu ta e consecuencia di e “maneho” deficiente y intransigente di e gobernantenan actual. Un caida den norma, balor y moralidad den gobernanacion actual ta laga su rastronan tur dia den comunidad. Esaki ta bisto tur dia mas y mas. Awe por encontra tanto problema social den comunidad y na mes momento ta haci falta di un maneho directo di parti di e gobierno actual. Gobierno actual repetidamente riba un manera infunda y irresponsabel a sa di impone medidanan financiero riba lomba di pueblo sin tuma na cuenta e efectonan regresivo pa cu esnan financieramente menos afortuna. Gobierno ta keda aumenta su entrada cu medida sin embargo e gastonan di e gobierno tambe ta keda aumenta for di tur porcion.

Gobierno durante e ultimo 7 aña a ricibi mas cu 700 milyon florin extra cu cualkier otro gobierno den historia di Aruba, tambe a fia mas cu mil milyon. A pesar di esaki, keto bai tin un nesecidad grandi pa mas entrada serca e gobierno, pero di otro banda pueblo ta harta di medida y ta puntra su mes ta kico a pasa cu tur e placa cu e gobierno a sa di ranca for di pueblo.

E situacion pesimo den e ramo di educacion y un falta di maneho sincero, realistico y alcaso di e gobernantenan responsabel den educacion ta un desafio enorme pa cada mayor na Aruba pa por ofrece un educacion adecuado pa nan yiunan. Awe gobierno ta ofrece e comunidad un educacion mediocre a consecuencia di un sistema caminda tin falta di material di calidad y infraestructura corecto. Tambe gobierno a frustra gran cantidad di maestronan cu mester percura pa duna un educacion adecuado na nos muchanan. E situacion di criminalidad, ladroncia y desorden hudicial

a bira intolerabel na Aruba. Esaki ta resultado di un incapacidad total di gobierno pa crea un maneho riba e tereno di husticia cu ta specifico, realistico y alcansabel pa ehecuta. Storianan bunita of “sterke verhalen” di e gobernantenan actual sin base cu argumento infunda tambe no a yuda comunidad di Aruba cu nada bon. E derecho di estado democratico di Aruba por wordo garantiza solamente si tin un sistema hudicial funcionabel y caminda e nivel di progreso di e pais lo ta ancla den e grado di desaroyo di e sistema hudicial. Tuma nota di e tantísimo casonan di criminalidad hasta cu arma pisa cu a bira normal aki na Aruba. Tur dia tin un cantidad di accidente, un cantidad di ladroncia riba tur nivel den comunidad y den gobernanacion.

Otro situacion cu ta bira dia pa dia e graf real pa e comunidad di Aruba ta e situacion di AZV. Aki por papia cu enfasis di un maneho caotico y intransigente cu falta profesionalismo y dedicacion real. Aki ta haci

un falta enorme di capacidad pa soluciona realmente e problemanan den salubridad publico. Para grita cu tur hende ta corrupto y di mala fe ta un muestra indiscutibel di un incapacidad di e propio gobernante pa crea e posibel solucionan den e ramo di salubridad publico. Locual ta necesario ta un gobierno cu realmente sa con pa soluciona problema cu ta biba den comunidad y cuminsa na maneha Aruba segun un plan total pa enfrenta y contraresta e problemanan local y mundial cu ta afectando e comunidad Arubano. Mester di un gobierno cu un team prepara y profesional cu por ehucuta un plan bon studia, balansa y argumenta. “Pueblo por ta segura cu na momento cu AVP drenta gobierno nos lo ta prepara pa trece Aruba bek den tur normalidad pa por sigui progresa a base di un vision bon prepara, discuti y argumenta caminda hopi contribucion di tur gremio, sectornan y pueblo ta envolvi”, Mike de Meza a finaliza bisando.

Monica Kock

## 2,5 milyon di AZV ta bai pa paga cama di hospital pa anciano

Minister Lopez-Tromp mester carga e consecuencianan

**DI** e rapportnan ricibi for di Minister Wever concerniente AZV a resulta cu e prima cu pueblo ta paga pa cubri gastonan di malesa ta wordo usa pa situacionan cu no ta cai bou di malesa. Kiermen e placa ta wordo usa pa gastonan cu no ta cai bou di AZV, lider di MPA, Monica Kock ta duna di conoce. Segun e rapport e gastonan cu no ta cai bou di malesa cu ta wordo paga ta 36 cama usa na hospital pa personan grandi cu no por wak pa nan mes. E suma ta 2,5

miyon pa aña. E personanan aki mester drenta den un centro di cuido, pero te cu awe no a traha un centro di cuido pa anciano. “Ainda nos por corda con e prome piedra a wordo poni pa e proyecto na San Nicolas. Segun Minister Lopez-Tromp e centro mester tin tur facilidad y asina a bira un proyecto gigante. Resultado ta cu te dia awe e centro no a wordo traha. Dor cu Minister Lopez-Tromp no ta tuma accion pa traha edificio pa nos grandinan, nan tin

cu bai hospital y AZV (pueblo) ta paga pa esaki. Un suma di 2,5 milyon pa aña cu pueblo ta paga pa cuida nos grandinan cu mester cai bou di Minister Lopez-Tromp. Asina Minister Lopez-Tromp ta scapa 2,5 milyon di su cartera pero e ta sali di nos cartera. Si Minister Lopez-Tromp no kier traha edificio pa nos grandinan, pero si tin placa pa edificio grandi na Sabana Blanco, e ora Minister Lopez-Tromp mester carga e consecuencianan y no pueblo di Aruba”, Kock ta duna di

conoce. MPA ta di opinion cu Minister Lopez-Tromp mester paga e suma di 2,5 milyon na AZV pa e cuido di anciano cu ta cai bou di su responsabilidad. Tumando accionan asina por yuda AZV pa sanea su deficit. Pero mas importante pa evita cu pueblo mester cuminsa paga eigen bijdrage y cu prima lo subi. Lastimamente mester conclui cu pa Minister Lopez-Tromp e cartera cu ta conta pe ta esun di Infraestructura, e cartera di tereno erfpacht,

hotel y negoshi. E cartera aki ta asina importante cu a bai traha un edificio nobo. Minister Lopez-Tromp a logra financiamiento pa e edificio aki cu no ta urgente, pero pa e edificio di anciano na San Nicolas te awe no por a logra haya financiamiento. MPA ta di opinion cu lo tabata mihor cu a usa e placa pa traha un centro di cuido aunke chikito y despues sigui desaroya, p’asina nos lo tin sikiera un lugar pa laga nos familiarnan cu nos ta stima.



Daniel Quant Key Clubber of the year

# Instalacion miembro y directiva Kiwanis Key Club Colegio Arubano

**DIA** 18 di april na Marriott Hotel di 8'or pa 11'or anochi Kiwanis Key Club Colegio Arubano tabata tin e honor di instala cinco miembro nobo y alaves e directiva nobo.

E miembronan nobo cu a instala ta Len Angela, Leo Angela, Mariëne Faro, Jesra Wiersma, Jasmiera Wiersma. E directiva nobo cu a keda instala pa aña 2008 - 2009: President - Carol-Ann Larmonie; Vice-President - Sachi Shimizu; Secretary - Ghislain Lampe; Treasurer - Kaylen Guda; Immediate Past President - John Maduro; Directors - Christoffer Everon, Shawn Fernandes Pedra, Nurianne Helder, Ralitza Werleman. Como tur aña tin un Key Clubber cu ta duna hopi di su parti Key

Club ta saca e Key Clubber of the year cu a resulta Daniel Quant. Tur aña ta despedi di algun miembro cu ta nan ultimo aña den Key Club y cu lo sigui nan studio na otro scol of afo. E aña aki Key Club ta despedi di Rushlene Geerman, Nailha Sint Jago y Daniel Quant. Y sigur Key Club no a lubida di gradicinan consehero cu ta Claudine Albertus Ho Kan-You cu tin 10 aña ta atende cu e club. Manera ta custumber Kiwanis Key Club Colegio Arubano ta hasi un donacion na un instancia local. E aña aki Kiwanis Key Club tabata tin e honor di entrega e donacion aki na señora Yvonne Spellen como representante di Fundacion Hende muher den Dificultad.

